

二十四史九通政典類要合編

五代

第 五 冊

新學

PDG

二十四史九通政典類要合編五代目錄

卷一百六十九 五代一

帝系

帝號 皇太后 后妃 皇太子皇子 公主 封宗室諸王

卷一百七十 五代二

禮上 吉

郊 明堂 社稷 大雩 祈風師雨師 禳災惑 享司寒 祭山川

祭神州地祇 祭九宮貴神 謁孔子廟 祭太公廟 雜祠 宗廟

禘祫 皇太后廟 時享 寒食望祭 功臣配享 祭器 牲牢以上吉禮

禮下 凶 軍 賓 嘉

國恤 山陵 喪期以上凶禮 講武 田獵 宣露布以上軍禮 三恪二王後

鄉飲酒以上賓禮 朝儀 聖節朝賀 巡幸 追尊祖考妣 崇所生母

冊命諸侯王 天子冊后 天子冊妃嬪 皇子公主婚嫁 養老以上嘉禮

樂

雅樂 樂舞 樂議

二十四史九通政典類要合編五代目錄

約雅堂藏板

卷一百七十一 五代三

選舉

舉士 科舉制 賢良方正 童科 雜議 舉官 考績 銓選

卷一百七十二 五代四

學校

祭先聖崇聖裔 太學 舉貢人就太學謁聖 州郡學

食貨

田賦 田制 戶口 漕運 賦稅 鹽法 鐵冶 權酷 征商

平糶 罷貢獻 振恤 獨貨 國用 錢幣

卷一百七十三 五代五

兵

兵制 禁衛兵 舟師水戰 馬政 教閱 軍器

刑

刑制 雜議 詳讞 決斷 考說 守正 寬恕 峻酷 赦宥

囚繫 徒流 贖刑 禁弋獵屠宰附

卷一百七十四 五代六

輿服

鹵簿

君臣服章制度

皇妃服章制度

庶人衣服

諸王車輅

公主

車制

寶璽

職官

都省

兩省

三公

御史臺

內職

勳格

較攷

增減

改制

釐革

封廕

雜錄

祿秩

卷一百七十五 五代七

象緯

日食

日變

月食

月變

彗孛

五星凌犯

星晝見

流星

雜星變

五星聚舍

客星

雲氣白虹

厯法

顯德欽天厯經

步日纏術

步月離術

步五星術

卷一百七十六 五代八

州郡

梁 唐 晉 漢 周 後並附外屬州 州郡總略 國都附

二十四史九通政典類要合編卷一百六十九

五代一

帝系

帝號

皇太后

后妃

皇太子 皇子

公主

封宗室諸王

太祖神武元聖孝皇帝姓朱氏宋州碭山午溝里人也其父誠以五經教授鄉里生三子曰全昱存

溫唐僖宗乾符四年黃巢起曹濮存溫亡入賊中巢攻嶺南存戰死巢陷京師以溫爲東南面行營

先鋒使攻陷同州以爲同州防禦使是時天子在蜀諸鎮會兵討賊

諸鎮記當時語也唐調節度使所治軍州爲藩鎮故有赴鎮移

鎮之

溫數爲河中王重榮所敗屢請益兵於巢巢中尉孟楷抑而不通溫客謝瞳說溫溫以爲然乃

殺其監軍嚴實自歸於河中因王重榮以降都統王鐸承制拜溫左金吾衛大將軍河中行營招討

副使天子賜溫名全忠中和三年九月天子以全忠爲檢校司徒同中書門下平章事封沛郡侯光

啓二年三月進爵王十二月徙封吳興郡王三年十二月天子使來賜王鐵券及德政碑淮南節度

使高駘死楊行密入揚州天子以王兼淮南節度使龍紀元年三月天子封王爲東平王大順元年

十月天子以王兼宣義軍節度使光化元年三月天子以王兼天平軍節度使天復元年正月天子

復立封王爲梁王五月天子以王兼河中尹護國軍節度使九月天子奔華州王請遷都洛陽雖不

許而王命河南張全義修洛陽宮以待天祐元年正月王如河中遣牙將寇彥卿如京師請遷都洛

陽并徙長安居人以東天子行至陝州王朝手行在先如東都是時六軍諸衛兵已散亡其從以東

者小黃門數十人打毬供奉內園小兒等二百餘人行至殺水王教醫官許昭遠告其謀亂悉殺而代之然後以聞由是天子左右皆梁人矣四月甲辰天子至自西都是時晉王李克用岐王李茂貞

楚王趙匡疑蜀王建吳王楊行密

曾三異校定曰三異案克用本紀及茂貞傳建行密世家皆書其在唐所授獨匡疑不書其在唐此乃闕文

聞梁遷

天子洛陽皆欲舉兵討梁王大懼六月楊崇本復附于岐王乃以兵如河中聲言攻崇本遣朱友恭氏叔琮蔣玄暉等行弑昭宗崩十月王朝于京師殺朱友恭氏叔琮十一月攻淮南取其光州攻壽州不克而旋二年二月遣蔣玄暉殺王德裕等九王于九曲池六月殺司空裴贇等百餘人七月天子復使來賜王迎鑿紀功碑王欲代唐使人論諸鎮襄州趙匡疑以為不可遣楊師厚攻之取其唐鄧復郢隨均房七州王如襄州軍于漢北九月師厚破襄州匡疑奔于淮南師厚取荆南荆南留後趙匡一無匡字明奔于蜀遂出光州以攻壽州不克天子卜祀于南郊王怒以為蔣玄暉等欲祈天以延唐天子懼改卜郊十一月辛巳天子封王為魏王相國總百揆以宣武宣義天平護國天雄武順祐國河陽義武昭義武寧保義忠義武昭武定泰寧平盧匡鎮國荆南忠武二十一軍為魏國備九錫王怒不受十二月天子以王為天下兵馬元帥王益怒遣人告樞密使蔣玄暉與何太后私通殺玄暉而焚之遂弑太后于積善宮又殺宰相柳燦太常卿張廷範車裂以徇天子下詔以太后故

停郊

五代史梁本紀一

開平元年春正月壬寅天子使御史大夫薛貽矩來勞軍宰相張文蔚率百官來勸進夏四月壬戌

更名晃甲子皇帝即位

自即位以後大事則書變古則書非常則書意有所示則書後有所因則書非此五者則否

戊辰大赦

下文皆曰大赦天

之欲遠及也不曰天

改元國號梁封唐主爲濟陰王秋七月己亥追尊祖考爲皇帝妣爲皇后皇高

祖黯諡曰宣元廟號肅祖妣范氏諡曰宣僖會祖茂林諡曰光獻廟號敬祖妣楊氏諡曰光孝

祖信諡曰昭武廟號憲祖妣劉氏諡曰昭懿考誠諡曰文穆廟號烈祖妣王氏諡曰文惠

三年春正月丙申羣臣上尊號曰睿文聖武廣孝皇帝

乾化元年夏五月甲申朔大赦改元

三年夏六月疾革郢王友珪反

叛者背此而附彼猶臣於人也反自下謀上惡逆之大者也日月之書不書雖無義例而事亦有不得而日反非一朝一夕不能得其日

成反者戊寅皇帝崩

年六十一不書崩處以異於得其終者乾化二年十一月友珪葬之河

嗚呼天下之惡梁久矣自後唐以來皆以爲僞也至于論次五代獨不僞梁而議者或譏予大失春

秋之旨以謂梁負大惡當加誅絕而反進之是獎篡也非春秋之志也予應之曰是春秋之志爾魯

桓公弑隱公而自立者宣公弑子赤而自立者鄭厲公逐世子忽而自立者衛公孫剽逐其君衎而

自立者聖人於春秋皆不絕其爲君此予所以不僞梁者用春秋之法也然則春秋亦獎篡乎曰惟

不絕四者之爲君於此見春秋之意也聖人之於春秋用意深故能勸戒切爲言信然後善惡明夫

欲著其罪於後世在乎不沒其實其實嘗爲君矣書其爲君其實篡也書其篡各傳其實而使後世

信之則四君之罪不可得而掩爾使爲君者不得掩其惡然後人知惡名不可逃則爲惡者庶乎其

二雅堂藏板

息矣是謂用意深而勸戒切爲言信而善惡明也桀紂不待貶其王而萬世所共惡者也春秋於大惡之君不誅絕之者不害其褒善貶惡之旨也惟不沒其實以著其罪而信乎後世與其爲君而不得掩其惡以息人之爲惡能知春秋之此意然後知子不僞梁之旨也

五代史梁本紀論

後梁太祖神武元聖孝皇帝單州碭山縣人姓朱氏名晃初名溫賜名全忠以丁卯受唐禪卽皇帝

位年五十六在位六年壬申爲其子郢王友珪所弑年六十一

通考帝系考

開平元年夏四月甲子王卽皇帝位于汴州國號梁戊辰大赦

帝曾祖諱茂琳舊紀是年六月司天監上言請改日辰內戊字爲武字避

諱也今紀凡日辰俱仍作戊字此正如唐紀日辰之兩字俱不作景字也若洪邁謂溫父名誠以戊類成字故司天監諂之者觀矣續通志五代梁太祖紀

改元二開平四 乾化二 通考帝系考以下同

末帝太祖第三子友貞也

末非諡號從其本語

太祖卽位封均王爲左天興軍使東京馬步軍都指揮使乾化

二年六月太祖遇弑友珪自立殺博王友文以弑帝之罪歸之以王爲東京畱守開封尹敬翔爲中書侍郎同中書門下平章事戶部尙書李振爲崇政院使明年友珪改元曰鳳曆二月駙馬都尉趙

巖至東都王私與之謀遣馬慎交之魏州見楊師厚計事師厚遣小校王舜賢至洛陽告左龍虎統

軍袁象先使討賊是時懷州龍驤屯兵叛方捕索之王乃僞爲友珪詔書發左右龍驤在東都者皆

還洛陽因激怒之曰天子以懷州屯兵叛汝等欲盡坑之諸將皆泣莫知所爲王曰先皇帝經營

王業三十餘年今日尙爲友珪所殺汝等安所逃死乎因出太祖畫像示諸將而泣曰汝能趨洛陽

擒逆賊則轉禍爲福矣軍士皆呼萬歲請王爲主王乃遣人趣象先等庚寅象先等以禁兵討賊友珪死杜曉見殺象先遣趙巖持傳國寶至東都請王入洛陽王報曰夷門太祖所以興王業也北拒并汾東至淮海國家藩鎮多在東方命將出師利于便近是月皇帝卽位于東都卽位大事失其日甚於東都而書是月見亂之終上文也復稱乾化三年復博王友文官僞三月丁未更名鐔

貞明元年冬十一月乙丑改元是歲更名瑱

龍德元年夏五月丙戌朔德音改元

三年春三月潞州李繼韜叛于晉來附夏閏四月唐人取鄆州晉未卽位之日興梁爲敵國至其建號於梁無所利害故不書唐建號而

書唐人者因事而見爾五月庚申宣義軍節度使王彥章爲北面行營招討使取德勝南城秋八月段凝爲北

面行營招討使先鋒將康延孝叛降于唐冬十月甲戌宣義軍節度使王彥章及唐人戰于中都敗

績死之凡官皆不重書此書者嫌彥章已罷招討使而與唐戰蓋罷使而別將兵以戰也唐人取曹州盜竊傳國寶奔于唐戊寅皇帝崩年

三十六梁亡書曰梁亡見唐莊宗之立速也四月莊宗立稱唐十月梁始亡見唐不待滅梁而立以上並五代史梁本紀

末帝名瑱太祖第三子母張皇后封均王友珪弒逆討誅之以癸酉嗣立在位十一年癸未唐兵入

汴爲其下所弒年三十六通考帝系考

改元三乾化三 龍德二 貞明六

右後梁二帝共十七年首丁卯盡癸未

莊宗光聖神閔孝皇帝其先本號朱邪蓋出於西突厥至其後世別自號曰沙陀而以朱邪爲姓唐德宗時有朱邪盡忠者居於北庭之金滿州貞元中吐蕃贊普攻陷北庭徙盡忠於甘州而役屬之其後贊普爲回鶻所敗盡忠與其子執宜東走贊普怒追之及于石門關盡忠戰死執宜獨走歸唐居定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐勛於徐州赤心以從破勛功拜單于大都護鎮武軍節度使賜姓名李國昌國昌子克用尤善騎射軍中號曰李鷄兒其一目眇及其貴也又號獨眼龍其威名蓋於代北黃巢已陷京師克用以步騎萬七千赴廣明三年正月至于河中進屯乾陀嶺黨驚曰鷄兒軍至矣二月敗巢將黃鄴於石隄谷三月又敗趙璋尙讓於良田坡橫屍三十里是時諸鎮兵皆會長安大戰渭橋賊走入城克用乘勝追之自光泰門先入戰望春宮昇陽殿巢敗南走出藍田關京師平克用功第一天子拜克用檢校司空同中書門下平章事河東節度使四年七月封隴西郡王乾甯元年十一月拜克用忠正平難功臣封晉王光化三年汴人攻鎮定鎮定皆絕晉以附于朱全忠天復元年全忠封梁王梁攻下晉絳河中執王珂以歸晉失三與國乃下意爲書幣聘梁以求和梁王以爲晉弱可取乃曰晉雖請盟而書辭慢因大舉擊晉四月氏叔琮入天井張文敬入新口葛從周入上門王處直入飛狐侯言入陰地叔琮取澤潞其別將白奉國破承天軍遼州守將張鄂汾州守將李瑋皆迎梁軍降晉人大懼會天大雨霖梁兵多疾皆解去五月晉復取汾州誅李瑋六

月周德威李嗣昭取慈隰二年進攻晉絳大敗于蒲縣梁軍乘勝破汾慈隰三州遂圍太原克用大懼謀出奔雲州又欲奔匈奴未決而梁軍大疫解去周德威復取汾慈隰二州四年梁遷唐都於洛陽改元曰天祐克用以謂劫天子以遷都者梁也天祐非唐號不可稱乃仍稱天復五年會契丹阿保機於雲中約爲兄弟六年梁攻燕滄州燕王劉仁恭來乞師克用恨仁恭反覆欲不許其子存勗諫曰此吾復振之時也今天下之勢歸梁者十七八強如趙魏中山莫不聽命是自河以北無爲梁患者其所憚者惟我與仁恭耳若燕晉合勢非梁之福也夫爲天下者不顧小怨且彼常困我而我急其難可因以德而懷之是謂一舉而兩得此不可失之機也克用以爲然乃爲燕出兵攻破潞州梁圍乃解去以李嗣昭爲潞州雷後七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐克用復稱天祐四年五月辛卯克用卒年五十三子存勗立葬克用於鴈門

五代史唐本紀

嗚呼世久而失其傳者多矣豈獨史官之謬哉李氏之先蓋出於西突厥本號朱邪至其後世則自號曰沙陀而以朱邪爲姓拔野古爲始祖其自序云沙陀者北庭之磧也當唐太宗時破西突厥諸部分同羅僕骨之人於此磧置沙陀府而以其始祖拔野古爲都督其傳子孫數世皆爲沙陀都督故其後世因自號沙陀然予考于傳記其說皆非也夷俗無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅爲龜林都督府僕骨爲金微都督府拔野古爲幽陵都督府未嘗有沙陀府也當是時西突厥有鐵勒

延陀阿史那之類爲最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山爲契苾何力所敗遂沒不見後百五十年當憲宗時有朱邪盡忠及子執宜見於中國而自號沙陀以朱邪爲姓矣蓋沙陀者大磧也在金沙山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏李氏後大而夷狄之人遂以沙陀爲貴種云

五代史唐本紀論

存勗克用長子也初克用破孟方立于邢州還軍上黨置酒三垂岡伶人奏百年歌至于衰老之際聲辭甚悲坐上皆悽愴時存勗在側方五歲克用慨然將鬚指而笑曰吾行老矣此奇兒也後二十年其能代我戰於此乎天祐五年正月卽王位于太原叔父克寧殺都虞候李存質倖臣史敬銘告克寧謀叛二月執而戕之且以先王之喪叔父之難告周德威德威自亂柳還軍太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能爲也宜乘其怠擊之乃出兵趨上黨行至三垂岡歎曰此先王置酒處也會天大霧晝暝兵行霧中攻其夾城破之梁軍大敗凱旋告廟八年秋七月劉守光稱帝於燕十一年殺燕王劉守光于太原用其父仁恭于鴈門割心以祭壘也於是趙王王鎔北平王王處直奉冊推王爲尚書令始建行臺十八年三月河中節度使朱友謙昭義軍節度使李嗣昭橫海軍節度使李存審義武軍節度使王處直安國軍節度使李嗣

源鎮州兵馬雷後張文禮領天平軍節度使閻寶大同軍節度使李存璋振武軍節度使李存進匡國軍節度使朱令德請王卽皇帝位王三辭友謙等三請王曰子當思之

同光元年春三月李繼韜以潞州叛附于梁夏四月己巳皇帝卽位大赦改元國號唐閏月追尊祖

考爲皇帝妣爲皇后曾祖執宜祖妣崔氏皆諡曰昭烈廟號懿祖祖國昌祖妣秦氏皆諡曰文景廟

號獻祖考諡曰武廟號太祖立廟于太原自唐高祖太宗懿宗昭宗爲七廟追尊祖考則立廟可知故皆不書廟此書者以

立高祖已下四廟故也此大事也舊史失其日

二年春二月己巳朔有事於南郊大赦癸酉羣臣上尊號曰昭文睿武光孝皇帝

四年春二月癸巳鄴都軍將趙在禮反于貝州反者皆不日獨在禮書日推迹其心可知爾其事具本傳蓋在禮初無亂心以是日見迫而反爾雖加以

大惡之名猶原其本心而異於怡反者於此見凡書人善惡不妄加之也如此甲午晦于令泉趙在禮陷鄴都武寧軍節度使李紹榮討之

邢州軍將趙太反東北面招討使李紹眞討之甲辰成德軍節度使李嗣源討趙在禮三月趙太伏

誅李嗣源反博州守將翟建自稱刺史甲子殺王衍滅其族許其不死降而殺之又滅其族於殺非罪此爲甚而書無異辭者前書衍降義

自見乙丑如汴州壬申次滎澤龍驤指揮使姚彥溫以前鋒軍叛降于李嗣源嗣源入于汴州甲戌

至自萬勝帝至萬勝鎮聞嗣源已入汴州乃還從駕直指揮使郭從謙反夏四月丁亥朔皇帝崩年四十三帝尸爲伶人焚之明宗入洛得

其骨燼天成元年七月葬之河南新安縣號雍陵至晉避廟諱更曰伊陵其不書葬與梁太祖同以上並五代史唐本紀

後唐莊宗光聖神閔孝皇帝其先沙陀人唐賜姓李氏名存勗武帝之子以癸未卽皇帝位滅梁在

位四年丙戌兵亂中流矢崩壽四十二

通考帝系考

改元一 同光四

明宗聖德和武欽孝皇帝世本夷狄無姓氏父電爲厲門部將生子邈佶烈以騎射事太祖爲人質厚寡言執事恭謹太祖養以爲子賜名嗣源梁晉相拒于柏鄉梁龍驤軍以赤白馬爲兩陣旗幟鎧仗皆如馬色晉兵望之皆懼莊宗舉鑕以飲嗣源曰卿望梁家赤白馬懼乎雖吾亦怯也嗣源笑曰有其表爾翌日歸吾廄也莊宗大喜曰卿當以氣吞之因引鍾飲醕奮過馳騎犯其白馬挾二裨將而還梁兵敗以功拜代州刺史同光元年梁唐相拒于河上李繼韜以潞州叛降梁莊宗有憂色召嗣源帳中謂曰繼韜以上黨降梁而梁方急攻澤州吾出不意攻其鄆州以斷梁右臂可乎嗣源對曰夾河之兵久矣苟非出奇則大計不決臣請獨當之乃以步騎五千涉濟至鄆州鄆人無備遂襲破之卽拜天平軍節度使蕃漢馬步軍副都總管梁軍攻破德勝南柵莊宗退保楊劉王彥章急攻鄆州莊宗悉軍救之嗣源爲前鋒擊敗梁軍追至中都擒彥章及梁監軍張漢傑彥章雖敗而段凝悉將梁兵屯河上莊宗未知所嚮諸將多言乘勝以取青齊嗣源曰彥章之敗疑猶未知使其聞之遲疑定計亦須三日縱使料吾所向亟發救兵必渡黎陽數萬之眾舟楫非一日具也此去汴州不數百里前無險阻方陣而行信宿可至汴州已破段凝豈足顧哉而郭崇韜亦勸莊宗入汴莊宗以爲然遣嗣源以千騎先至汴州攻封邱門王瓚開門降莊宗後至見嗣源大喜手攬其衣以頭觸之

曰天下與爾共之拜中書令二年莊宗祀天南郊賜以鐵券

天成元年四月丁亥莊宗崩丙午始奠于西宮曰始奠見其緩也自己丑入洛至此二十日矣皇帝卽位于柩前柩前卽位嗣君之禮

也反逆之臣自立而用嗣君之禮書從其實而不變文者蓋先已書易斬綬以充冕君之禮甲寅大

赦改元

二年春正月癸丑朔更名實十二月己丑回鶻西界吐番遣使者來甲辰畋于東郊丙午追尊祖考

爲皇帝妣爲皇后高祖諡曰孝恭廟號惠祖祖妣劉氏諡曰孝恭昭會祖赦諡曰孝質廟號毅祖

祖妣張氏諡曰孝質順祖玟諡曰孝靖廟號烈祖祖妣何氏諡曰孝靖穆考諡曰孝成廟號德祖妣

劉氏諡曰孝成懿立廟于應州

長興元年春二月乙卯有事於南郊大赦改元夏四月戊午羣臣上尊號曰聖明神武文德恭孝皇

帝

四年夏五月戊寅封子從珂爲潞王從珂非子而書子與梁博王友文同冬十月壬申幸士和亭得疾書得疾爲從十

一月壬辰秦王從榮以兵入興聖宮不克伏誅君病不侍疾以兵求立罪當誅故書伏誅其意以戊

戌皇帝崩于雍和殿年六十七滿泰元年葬河南洛陽縣號徽陵雖得其死而爲賊所葬故亦不書葬以上並五代史唐本紀

嗚呼自古治世少而亂世多三代之王有天下者皆數百年其可道者數君而已况於後世邪况於

五代邪子聞長老爲子言明宗雖出夷狄而爲人純質寬仁愛人於五代之君有足稱也嘗夜焚香

五代 帝系 六 約雅堂藏板

仰天而祝曰臣本蕃人豈足治天下世亂久矣願天早生聖人自初卽位減罷宮人伶官廢內藏庫四方所上物悉歸之有司廣壽殿火災有司理之請加丹雘喟然嘆曰天以火戒我豈宜增以侈邪歲嘗旱已而雪暴坐庭中詔武德司宮中無得掃雪曰此天所以賜我也數問宰相馮道等民間疾苦聞道等言穀帛賤民無疾疫則欣然曰吾何以堪之當與公等作好事以報上天更有犯職輒寘之死曰此民之蠹也以詔書褒廉吏孫岳等以風示天下其愛人恤物蓋亦有意於治矣其卽位時春秋已高不遜聲色不樂遊畋在位十年於五代之君最爲長世兵革粗息年屢豐登生民實賴以休息然夷狄性果仁而不明屢以非辜誅殺臣下至於從榮父子之間不能慮患爲防而變起倉卒卒陷之以大惡帝亦由此飲恨而終當是時大理少卿康澄上疏言時事其言曰爲國家者有不足懼者五深可畏者六三辰失行不足懼天象變見不足懼小人訛言不足懼山崩川竭不足懼水旱蟲蝗不足懼也賢士藏匿深可畏四民遷業深可畏上下相徇深可畏廉恥道消深可畏毀譽亂眞深可畏直言不聞深可畏也識者皆多澄言切中時病若從榮之變任圜安重誨等之死可謂上下相徇而毀譽亂眞之敝矣然澄之言豈止一時之病凡爲國者可不戒哉

五代史唐本紀論

帝系考

明宗聖德和武欽孝皇帝代北金鳳城人姓李氏名亶以丙戌嗣立在位八年癸巳崩壽六十七

通考

改元二

天成四
長興四

愍皇帝明宗第五子從厚也明宗以其貌類己特愛之天成二年以檢校司徒拜河南尹判六軍諸衛事加檢校太保同中書門下平章事從厚妃孔循女也安重誨怒循以女妻從厚三年罷循樞密使出從厚爲宣武軍節度使明年徙鎮河東長興元年封從厚宋王徙鎮成德二年徙鎮天雄累加兼中書令四年十一月秦王從榮伏誅明宗病甚遣宦者孟漢瓊召王子鄴而明宗崩祕其喪六日十二月癸卯朔發喪于西宮皇帝卽位于柩前羣臣見于東階復于喪位丙午成服于西宮二代五始見嗣君卽位服喪之事先君得其終嗣君得其始而免禍亂於臣民於篡亂之世稀見之事也故特詳書之庚戌登光政門樓存問軍民癸丑始聽政

應順元年春正月戊寅大赦改元二月庚寅鳳翔節度使潞王從珂反辛卯西京畱守王思同爲西

面行營都部署靜難軍節度使藥彥僞爲副三月丙辰思同兵潰嚴備指揮使尹暉羽林指揮使楊

思權以其軍叛降于從珂辛酉殺侍衛親軍馬軍都指揮使朱弘實癸亥西京畱守劉遂雍叛降

于從珂思同奔歸于京師不克死之丁卯京城巡檢使安從進叛殺馮贇朱弘昭自殺從進傳其二

首于從珂戊辰如衛州

不書帝崩者當於廢帝紀書弒鄂王也以上並五代史唐本紀

愍帝名從厚明宗第三子封宋王癸巳嗣立甲午潞王兵入汴廢之而自立遇害壽二十一

通考帝系考

改元一應順二

廢帝鎮州平山人也本姓王氏其世微賤母魏氏少寡明宗爲騎將過平山掠得之魏氏有子阿三已十餘歲明宗養以爲子名曰從珂及長驍勇善戰明宗甚愛之自晉兵戰梁于河上從珂常立戰

功莊宗呼其小字曰阿三不徒與我同年其慙戰亦類我同光二年爲衛州刺史突騎指揮使戍于石門明宗討趙在禮自魏反兵而南從珂率戍兵自曲陽孟縣馳出常山以追明宗軍聲大振明宗入立拜從珂河中節度使封潞王是時明宗春秋已高王於諸子次最長樞密使安重誨患之數請行軍法明宗不聽後重誨見殺乃起王爲左衛大將軍西京畱守長興三年爲鳳翔節度使又徙王爲北京畱守不降制書而宣授又以李從璋爲代初安重誨得罪罷河中以從璋爲代而重誨見殺故王益自疑遂據城反愍帝遣王思同會諸鎮兵討之思同戰敗走諸鎮兵皆潰

清泰元年三月丁巳王以兵東已愍帝出居于衛州夏四月壬申入京師馮道率百官迎王于蔣橋王辭不見入哭于西宮遂見羣臣道拜王答拜入居于至德宮癸酉以太后令降天子爲鄂王命王監國乙亥皇帝卽位乙酉大赦改元

三年春正月乙未河東節度使石敬瑭反夏五月戊申先鋒指揮使安審信叛降于石敬瑭己酉振武戍將安重榮叛降于敬瑭秋七月癸丑彰聖指揮使張萬迪叛降于石敬瑭九月甲辰張敬達及契丹戰于太原敗績契丹圍敬達于晉安戊申如河陽冬十一月丁酉契丹立晉閏月甲子楊光遠殺張敬達以其軍叛降于契丹敬達不書死之而書殺者敬達大將宜以義賣光遠而誅之雖不果而見殺猶爲得死乃諷光遠殺己以叛故書之如其志甲戌契丹及晉人至于潞州丁丑至自河陽辛巳皇帝崩年五十三帝自焚死晉高祖命葬其櫬骨於徽陵域中以上並五代史唐本紀

嗚呼君臣之際可謂難哉蓋明者慮於未萌而前知暗者告以將及而不懼故先事而言則雖忠而

不信事至而悔其可及乎重誨區區獨見路王之禍而謀之不臧至於殞身赤族其隙自茲及愍帝之亡也穴于徽陵其土一瓏路人見者皆爲之悲使明宗爲有知其有媿於重誨矣哀哉

五代史唐本紀論

廢帝名從珂本姓王氏明宗養爲子封潞王以甲午廢閔帝卽位三年丙申石敬瑭舉兵犯闕帝兵敗自焚死壽五十二

通考帝系考

改元一 清泰三

右後唐四帝共十四年首癸未盡丙申

高祖聖文章武明德孝皇帝其父臬捩鷄本出於西夷自朱邪歸唐從朱邪入居陰山其後晉王李克用起於雲朔之閒臬捩鷄以善騎射常從晉王征伐有功官至洺州刺史臬捩鷄生敬瑭其姓石氏不知其得姓之始也敬瑭爲人沈厚寡言明宗愛之妻以女是爲永靈公主由是常隸明宗帳下號左射軍趙在禮之亂明宗討之至魏而兵變與之驍騎三百渡黎陽爲前鋒明宗遂入汴莊宗自洛後至不得入而兵皆潰去莊宗西還明宗以敬瑭爲前鋒趣汜水且收其散卒莊宗遇弒明宗入立拜敬瑭保義軍節度使賜號竭忠建策興復功臣兼六軍諸衛副使天成二年十月從幸汴州爲御營使拜宣武軍節度使侍衛親軍馬步軍都指揮使六軍副使如故改賜耀忠匡定保節功臣三年四月徙鎮天雄拜同中書門下平章事興唐尹五月拜駙馬都尉復兼六軍諸衛副使徙鎮河陽三城未行而契丹吐渾突厥皆入寇乃拜河東節度使大同彰國振武威塞等軍蕃漢馬步軍總管

落六軍副使明年明宗崩愍帝即位加中書令三月徙鎮成德清泰元年五月復鎮太原來朝京師潞王從珂反於鳳翔愍帝出奔遇敬瑭于道敬瑭殺帝從者百餘人幽帝于衛州而去廢帝即位疑敬瑭必反

天福元年五月徙鎮天平敬瑭不受命上表論廢帝不當立請立許王從益爲明宗嗣廢帝下詔削奪敬瑭官爵命張敬達等討之敬瑭求援於契丹九月契丹耶律德光入自鴈門與唐兵戰敬達大敗敬瑭夜出北門見耶律德光約爲父子十一月丁酉皇帝即位於廢帝本紀書契丹立晉據所見也於此書皇帝即位以自立爲文

原其心也晉高祖之反無契丹之助亦必自立蓋其志在於爲帝故使自任其惡也于契丹己亥大赦改元

二年夏五月丁丑追尊祖考爲皇帝妣爲皇后高祖璟諡曰孝安廟號靖祖祖妣秦氏諡曰孝安元曾祖柳諡曰孝簡廟號肅祖祖妣安氏諡曰孝簡恭祖昱諡曰孝平廟號睿祖祖妣米氏諡曰孝平獻考紹雍諡曰孝元廟號獻祖妣何氏諡曰孝元懿

三年冬十月戊寅契丹使中書令韓頗來奉冊曰英武明義皇帝

七年六月乙丑皇帝崩於保昌殿年五十二以上並五代史晉本紀

後晉高祖聖文章武明德孝皇帝太原汾陽里人姓石氏名敬瑭丙申以北京留守舉兵入洛卽皇帝位在位七年壬寅崩壽五十二通考帝系考

改元一天福七

出帝父敬儒高祖兄也爲唐莊宗騎將早卒高祖以其子重貴爲子高祖六子五皆早死而重睿幼故重貴得立重貴少而謹厚善騎射高祖使博士王震教以禮記久之不能通大義謂震曰此非我家事也高祖爲契丹所立謀以一子畱守太原契丹使盡出諸子自擇之指重貴曰此眼大者可也遂拜金紫光祿大夫行太原尹北京畱守知河東節度事天福二年九月召拜左金吾衛上將軍三年冬爲開封尹封鄭王加太尉同中書門下平章事六年高祖幸鄴畱守東京已而爲廣晉尹徙封齊王

七年六月乙丑高祖崩皇帝卽位于柩前十一月庚寅葬聖文章武孝皇帝于顯陵

開運元年春正月甲戌朔契丹寇滄州己卯洺貝州庚辰歸德軍節度使高行周爲北面行營都部署契丹入鴈門寇代州辛巳殿直王班使于契丹至于鄴都不得進而復晉自高祖以父事契丹甚皆不書至出帝立使者旁午不絕不可勝數故其官卑者皆畧而不書班以不得進故書秋七月辛未朔大赦改元

三年八月辛丑行營馬軍排陣使張彥澤及契丹戰于新興敗之癸卯劉知遠及契丹戰于朔州敗之冬十月辛未杜威爲北面行營都招討使李守貞爲兵馬都監十一月永靜軍節度使梁漢璋及契丹戰于瀛州敗績契丹寇鎮定十二月己未杜威軍于中渡壬戌奉國都指揮使王清及契丹戰于瀛州敗績死之戰將歿于陣守將歿于城而不書死者以其志未可知也或欲走而不得或欲降而未暇遽以被殺爾若不走不降而死節明者自書死如清是已杜威李

守貞張彥澤以其軍叛降于契丹庚午射兔于沙臺壬申張彥澤犯京師殺開封尹桑維翰契丹滅

晉

出帝雖存而晉則亡矣故書滅以上並五代史晉本紀

嗚呼余書封子重貴爲鄭王又書追封皇伯敬儒爲宋王者豈無意哉禮兄弟之子猶子也重貴書子可矣敬儒出帝父也書曰皇伯者何哉出帝立不以正而絕其所生也蓋出帝於高祖得爲子而不得爲後者高祖自有子也方高祖疾病抱其子重睿寘於馮道懷中而託之出帝豈得立邪晉之大臣旣違禮廢命而立之以謂出帝爲高祖子則得立爲敬儒子則不得立於是深諱其所生而絕之以欺天下爲真高祖子也禮曰爲人後者爲其父母報使高祖無子出帝得爲後而立以正則不待絕其所生以爲欺也故余書曰追封皇伯敬儒爲宋王者以見其立不以正而滅絕天性臣其父而爵之以欺天下也

五代史晉本紀論

出帝名重貴本高祖從子封齊王以壬寅嗣立在位四年丙午契丹入汴北遷卒於黃龍府壽三十

四

通考帝系考

改元二

天福二開運三

右後晉二帝共十一年首丙申盡丙午

高祖睿文聖武昭肅孝皇帝姓劉氏初名知遠其先沙陀部人也其後世居于太原知遠弱不好弄嚴重寡言面紫色目多白睛凜如也與晉高祖俱事明宗爲偏將高祖舉兵知遠密爲謀畫贊成之

高祖卽位于太原以知遠爲侍衛親軍都虞候領保義軍節度使天福二年遷侍衛馬步軍都指揮使領忠武軍節度使己而以杜重威代知遠領忠武徙知遠領歸德五年徙鄴都留守九月朝京師高祖幸其第六年拜河東節度使北京留守七年高祖崩知遠從高祖起太原有佐命功自出帝立與契丹絕盟用兵北方常疑知遠勳位已高幸晉多故而有異志每優尊之拜中書令封太原王幽州道行營招討使又拜北面行營都統開運二年四月封北平王三年五月加守太尉四年契丹犯京師出帝北遷王遣牙將王峻奉表契丹耶律德光呼之爲兒賜以木拐一木拐虜法貴之如中國几杖非優大臣不可得峻持拐歸虜人望之皆辟道峻還爲王言契丹必不能有中國乃議建國二月戊辰河東行軍司馬張彥威等上牋勸進辛未皇帝卽位稱天福十二年六月戊辰改國號漢秋閏七月庚辰追尊祖考爲皇帝妣爲皇后高祖滿諡曰明元廟號文祖祖妣李氏諡曰明貞曾祖昂諡曰恭僖廟號德祖祖妣楊氏諡曰恭惠祖僖諡曰昭憲廟號翼祖祖妣李氏諡曰昭穆考頌諡曰章聖廟號顯祖妣安氏諡曰章懿以漢高皇帝爲高祖光武皇帝爲世祖皆不祧

乾祐元年春正月乙卯大赦改元己未更名暠丁丑皇帝崩于萬歲殿

年五十四以上並五代史漢本紀

後漢高祖睿文聖武昭肅孝皇帝太原人姓劉氏名暠初名知遠契丹入中國以丁未卽皇帝位於

晉陽繼遷於汴在位二年戊申崩壽五十四

通考帝系考

改元一 乾祐一

隱皇帝高祖第二子承祐也高祖卽位拜右衛上將軍大內都點檢魏王承訓長而賢高祖愛之方屬以爲嗣承訓薨高祖不豫悲哀疾劇乃以承祐屬諸將相宰相蘇逢吉曰皇子承祐未封王請亟封之未及封而高祖崩秘不發喪殺杜重威

乾祐元年二月辛巳封承祐周王是日皇帝卽位于柩前冬十一月壬申葬睿文聖武昭肅孝皇帝

于睿陵在河南告成縣

三年夏四月壬午郭威以樞密使爲天雄軍節度使冬十一月丙子殺楊邠及侍衛親軍都指揮使

史弘肇三司使王章皆滅其族郭威反庚辰義成軍節度使宋延渥叛附于威壬午威犯封丘泰寧

軍節度使慕容彥超軍于七里店癸未勞軍于北郊甲申勞軍于劉子陂慕容彥超及郭威戰敗績

開封尹侯益叛降于威郭允明反乙酉皇帝崩年二十周廣順元年葬之許州楊羅縣號頽陵爲賊所葬故不書蘇逢吉自殺漢亡

以上並五代史漢本紀

嗚呼人君卽位稱元年常事爾古不以爲重也孔子未修春秋其前固已如此雖暴君昏主妄庸之

史其記事先後遠近莫不以歲月一二數之乃理之自然也其謂一爲元亦未嘗有法蓋古人之語

爾古謂歲之一月亦不云一而曰正月國語言六呂曰元問大呂周易列六爻曰初九大抵古人言數多不云一不獨謂年爲元也及後世曲學之士始謂孔子書

元年爲春秋大法遂以改元爲重事自漢以後又名年以建元而正僞紛雜稱號遂多不勝其紀也

五代亂世也其事無法而不合於理者多矣皆不足道也至其年號乖錯以惑後世則不可以不明

初梁太祖以乾化二年遇弑明年末帝已誅友珪黜其鳳曆之號復稱乾化三年尙爲有說至漢高祖建國黜晉出帝開運四年復稱天福十二年者何哉蓋以其愛憎之私爾方出帝時漢高祖居太原常憤憤下視晉而晉亦陽優禮之幸而未見其隙及契丹滅晉漢未嘗有赴難之意出帝已北遷方陽以兵聲言追之至土門而還及其卽位改元而黜開運之號則其用心可知矣蓋其於出帝無復君臣之義而幸禍以爲利者其素志也可勝歎哉夫所謂有諸中必形於外者其見於是乎

五代史漢

本紀論

隱帝名承祐高祖第二子封周王以戊申嗣立三年庚戌郭威擁兵犯闕遇弑壽二十

通考帝系考

右後漢二帝共四年首丁未盡庚戌

太祖聖神恭肅文武孝皇帝姓郭氏邢州堯山人也父簡事晉爲順州刺史劉仁恭攻破順州簡見殺子威少孤依潞州人常氏潞州留後李繼韜募勇敢士爲軍卒威年十八以勇力應募爲人負氣好使酒繼韜特奇之威嘗遊于市市有屠者常以勇服其市人威醉呼屠者使進几割肉割不如法叱之屠者披其腹示之曰爾勇者能殺我乎威卽前取刀刺殺之一市皆驚威頗自如爲吏所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書算補爲軍吏好讀闕外春秋畧知兵法後爲侍衛軍吏漢高祖爲侍衛親軍都虞候尤親愛之契丹滅晉漢高祖起兵太原卽皇帝位拜威樞密副使乾祐元年正月高祖疾大漸以

隱帝託威及史弘肇等隱帝卽位拜威樞密使是歲三月河中李守貞承興趙思綰鳳翔王景崇相次反隱帝遣白文珂郭從義常思等分討之久皆無功隱帝謂威曰吾欲煩公可乎威對曰臣不敢請亦不敢辭惟陛下命乃加拜威同中書門下平章事使西督諸將威居軍中延見賓客褰衣博帶及臨陣行營幅巾短後與士卒無異上所賜予與諸將會射恣其所取其餘悉以分賜士卒將士皆懽樂威至河中自柵其城東思柵其南文珂柵其西調五縣丁二萬人築連壘以護三柵已而守貞數出兵擊壞連壘威輒補之守貞輒復出擊每出必有亡失久之城中兵食俱盡威曰可矣乃治攻具爲期日四面攻之破其羅城守貞與妻子自焚死思綰景崇相次降隱帝勞威以玉帶加檢校太師兼侍中威辭曰臣事先帝見功臣多矣未嘗以玉帶賜之因言臣幸得奉行伍假漢威靈以破賊者豈特臣之功皆將相之賢有以安朝廷撫內外而饋餉以時故臣得以專事征伐隱帝以威爲賢於是悉召楊邠史弘肇蘇逢吉禹珪竇貞固王章等皆賜以玉帶威乃受是冬契丹寇邊威以樞密使北伐至魏州契丹遜三年二月師還四月拜威鄴都留守天雄軍節度使仍以樞密使之鎮詔河北諸州皆聽威節度隱帝與李業等謀已殺史弘肇等詔鎮寧軍節度使李弘義殺侍衛步軍指揮使王殷于澶州又詔侍衛馬軍指揮使郭崇殺威及宣徽使王峻于魏詔書先至澶州弘義恐事不果反以詔書示殷殷與弘義遣人告威已而詔殺威峻使者亦馳騎至威匿詔書召樞密使院吏魏仁浦謀於臥內仁浦勸威反殺威卽用留守印更爲詔書詔威誅諸將校以激怒之將校皆憤然效

用十一月丁丑威遂舉兵渡河隱帝遣開封尹侯益保大軍節度使張彥超客省使閻晉卿等率兵拒威又遣內養鸞脫威所嚮鸞脫爲威所得威乃附脫奏請縛李業等送軍中隱帝得威奏以示業等業等皆言威反狀已白乃悉誅威家屬于京師庚辰威至滑州義成軍節度使宋延渥叛于漢來降壬午犯封丘甲申及泰寧軍節度使慕容彥超戰于劉于陂彥超敗奔于兗州郭允明反弑隱帝于趙村丙戌威入京師縱火大掠戊子率百官朝太后于明德門請立嗣君太后下令文武百寮六軍將校議擇賢明以承大統庚寅威率百官詣明德門請立泰寧軍節度使贊爲嗣遣太師馮道迎贊于徐州辛卯請太后臨朝聽政十二月癸丑王峻遣郭崇以騎兵七百逆劉贊于宋州殺之戊午漢宰相竇貞固蘇禹珪來勸進庚申太后制以威監國

廣順元年春正月丁卯皇帝卽位大赦改元國號周己巳上漢太后尊號曰昭聖皇太后戊寅漢劉

崇自立于太原

吳蜀諸國自立皆絕而不書此書與其不屬于周語在十國年譜論

夏四月甲午立夫人董氏爲德妃五月辛未追尊

祖考爲皇帝妣爲皇后高祖璟諡曰睿和廟號信祖祖妣張氏諡曰睿恭曾祖諡曰明憲廟號僖

祖祖妣申氏諡曰明孝祖蘊諡曰翼順廟號義祖祖妣韓氏諡曰翼敬考諡曰章肅廟號慶祖妣王

氏諡曰章德冬十月丙午漢人來討

討加有罪漢之於周義所傳討

攻自晉州云自晉州者見漢兵當誅罪人于京師自晉州而入耳攻城無得失不書

此書者許漢來討

十一月王峻及建雄軍節度使王彥超拒之十二月慕容彥超反

二年春正月庚午高麗王昭使其廣評侍郎徐蓬來二月庚寅府州防禦使折德展克尙嵐軍夏五

月庚申東征癸亥次曹州赦流罪以下囚乙亥克兗州彥超投井死壬午赦兗州六月乙酉朔幸曲阜祠孔子庚子至自兗州秋九月乙丑太僕少卿王演使于高麗契丹寇邊

三年春正月乙卯麟州刺史楊重訓叛于漢來附閏月丙戌回鶻使獨呈相溫來三月甲申封榮爲晉

王不書子者榮於禮不得爲子不書子則當書其本姓又不書者周人所共諱十二月戊申四廟神主至自西京迎之于西郊禘于太廟

顯德元年春正月丙子朔有事于南郊大赦改元羣臣上尊號曰聖明文武仁德皇帝戊寅罷鄴都

壬辰皇帝崩于滋德殿年五十一書是日連上文嫌無崩日以上並五代史周本紀

後周太祖聖神恭肅文武孝皇帝邢州堯山人姓郭氏名威辛亥以鄴都留守入汴卽皇帝位三年

癸丑崩壽五十一通考帝系考

改元一 廣順三

世宗睿武孝文皇帝本姓柴氏邢州龍岡人也柴氏女適太祖是爲聖穆皇后后兄守禮子榮幼從

姑長太祖家以謹厚見愛太祖遂以爲子太祖後稍貴榮亦壯而器貌英奇善騎射畧通書史黃老

性沈重寡言太祖爲漢樞密使榮爲左監門衛將軍太祖鎮天雄榮領貴州刺史天雄軍牙內都指

揮使乾祐三年冬周兵起魏犯京師留榮守魏太祖入立拜澶州刺史鎮靈軍節度使檢校太傅同

中書門下平章事榮素爲樞密使王峻所忌廣順三年正月來朝不得留既而峻有罪誅三月拜榮

開封尹封晉王是冬卜以來年正月朔旦有事于南郊而太祖遇疾不能視朝者久之

顯德元年正月丙子郊僅而成禮卽以王判內外兵馬事壬辰太祖崩秘不發喪丙申發喪皇帝卽

位於柩前於書封晉王正其非子矣其餘假編刪二月庚戌回鶻遣使者來丁卯漢人來討攻自潞

州三月辛巳大赦癸未鄭仁誨留守東京乙酉如潞州以攻漢不曰伐曲在周不可以大壬辰次澤

州閱兵于北郊癸巳及劉旻戰于高原敗之與其不屬于周不與追及于高平又敗之丁酉幸潞州

夏四月乙卯葬神聖文武恭肅孝皇帝于嵩陵在鄭州新鄭縣汾州防禦使董希顏叛于漢來附丙辰遼州

刺史張漢超叛于漢來附辛酉取嵐憲州壬戌立衛國夫人符氏爲皇后取石沁州庚午赦潞州流

罪以下囚如太原忻州監軍李勅殺其刺史趙臯叛于漢來附五月丙子代州守將鄭處謙叛于漢

來附契丹救漢丁酉回鶻使因難敵畧來符彥卿及契丹戰于忻口敗績先鋒都指揮使史彥超死

之六月乙巳班師乙丑次新鄭遂拜嵩陵庚午至自太原

二年五代亂世以嗣君卽位者五而改元不依古者四梁末帝晉出帝卽位踰年宜改元而不改又

明年然後改漢隱帝周世宗皆仍稱先帝年號終其世不改而本紀無議者但書其實自見其

也春二月御札求直言夏五月辛未宣徽南院使向訓鳳翔節度使王景伐蜀甲戌大毀佛寺禁民

親無侍養而爲僧尼及私自度者秋九月丙寅朔頒銅禁閏月癸丑向訓克秦州冬十月辛未取成

州戊寅高麗使王子太相融來取階州十一月乙未朔李穀爲淮南道行營都部署以伐唐戊申王

景克鳳州

三年春正月增築京城庚子向訓留守東京壬寅南征辛亥侍衛親軍都指揮使李重進及唐人戰

于正陽敗之二月丙寅幸下蔡浮橋壬申克滁州甲戌李景來求成不答壬午景使其臣鍾謨來奉

表丙戌取揚州辛卯取泰州三月取光舒常州書是月見取三州不同日夏四月常泰州復入于唐五月乙卯至

自淮南赦京師囚六月壬申德音赦淮南囚秋七月皇后崩楊光舒滁州復入于唐八月乙丑課民

種木及非冬十月辛酉葬宣懿皇后于懿陵十一月庚寅廢諸祠不在祀典者

四年春正月己丑朔赦非死罪囚二月甲戌王朴留守東京乙亥南征三月丁未克壽州不書劉仁贍降事見

死節傳蓋仁贍實不降故書周自克之爾克者難取之名也壽難取則見夏四月己巳至自壽州己

卯放降卒八百歸于蜀癸未追冊彭城郡夫人劉氏為皇后冬十月壬申南征十二月乙卯泗州守

將范再遇叛于唐以其州來降庚申濠州團練使郭廷謂以其州來降身居其地而來降者書附再

居其地故不書附而書降廷謂不書叛事見南唐世家丁丑取泰州

五年春正月丁亥取海州壬辰取靜海軍丁未克楚州守將張彥卿鄭昭業死之自四年十二月辛酉攻之彥卿等堅

守四十餘日乃克之其不走不降可知故予其死本紀書死者十餘人宋令詢及三月己亥克淮南

李遷彥卿昭業皆以事跡不完不能立傳然所貴者死爾本紀書其大節可矣十有四州以江為界井前所得通十四州耳夏四月庚申禘五室神主于新廟壬申至自淮南回鶻

達韃遣使者來六月辛未放降卒四千六百于唐秋七月乙酉水部員外郎韓彥卿市銅于高麗丁

亥頒均田圖九月占城國王釋利因德曼使莆訶散來冬十月丁酉括民租十一月庚戌作通禮正

樂十二月丙戌罷州縣課戶俸戶

六年春正月高麗王昭遣使者來辛酉女眞使阿辨來三月己酉甘州回鶻來獻玉却之癸酉停給

銅魚甲戌北征夏四月壬辰取乾寧軍辛丑取益津關以為霸州癸卯取瓦橋關以為雄州州廢不書

此書重復中國故地世宗下三關瓦橋益津以建州及見於口關上五月乙巳朔取瀛州復中國故地故不書

置秦故舊史實錄皆闕不書遂不見其取得時日今信安軍是也符氏無國爵不日立符氏為皇后謙同於不正也蓋其位

丹甲戌至自雄州六月癸未立皇后符氏符氏無國爵不日立符氏為皇后謙同於不正也蓋其位

封子宗訓為梁王宗誼燕國公戊子占城使莆訶散來癸巳皇帝崩于滋德殿年三十九以上

世宗睿武孝文皇帝本姓柴氏名榮太祖養子封晉王以甲寅嗣立即位六年己未崩通考帝系考

改元一顯德六

恭皇帝世宗第四子宗訓也世宗即位大臣請封皇子為王世宗謙抑久之及北取三關遇疾還京

師始封宗訓梁王時年七歲

顯德六年六月癸巳世宗崩甲午皇帝即位于柩前秋八月庚寅封弟熙讓為曹王熙謹紀王熙誨

斬王壬寅高麗遣使者來九月丙寅左驍衛大將軍戴交使于高麗冬十一月壬寅葬睿武孝文皇

帝于慶陵在鄭州管城縣高麗遣使者來

七年春正月甲辰遜于位

五代之亡所書不同隨事為文爾梁亡見唐之速漢亡見周之遲也唐欺天下以討賊周欺天下以

立贊故書梁亡見唐之立速則知其志不在於討賊也漢亡見周之立遲則知立贊者僞也唐亡無

嗚呼五代本紀備矣

備謂喪亂之事無所不有

君臣之際可勝道哉梁之友珪反唐戕克靈而殺存又從璨則父子骨肉之恩幾何其不絕矣太妃薨而輟朝立劉氏馮氏爲皇后則夫婦之倫幾何其不乖而不至

於禽獸矣寒食野祭而焚紙錢居喪改元而用樂殺馬延及任圜則禮樂刑政幾何其不壞矣至於

饗雷山傳箭而撲馬則中國幾何其不夷狄矣可謂亂世也歟而世宗區區五六年間取秦隴平淮

右復三關威武之聲震懾夷夏而方內延儒學文章之士考制度修通禮定正樂議刑統其制作之

法皆可施於後世其爲人明達英果議論偉然卽位之明年廢天下佛寺三千三百三十六是時中

國乏錢乃詔悉毀天下銅佛像以鑄錢嘗曰吾聞佛說以身世爲妄而以利人爲急使其眞身尙在

苟利於世猶欲割截况此銅像豈有所惜哉由是羣臣皆不敢言嘗夜讀書見唐元稹均田圖慨然

歎曰此致治之本也王者之政自此始乃詔頒其圖法使吏民先習知之期以一歲大均天下之田

其規爲志意豈小哉其伐南唐問宰相李穀以計策後克淮南出穀疏使學士陶穀爲贊而盛以錦

囊嘗置之坐側其英武之材可謂雄傑及其虛心聽納用人不疑豈非所謂賢主哉其北取三關兵

不血刃而史家猶譏其輕社稷之重而僥倖一勝於倉卒殊不知其料強弱較彼我而乘述律之殆

得不可失之機此非明於決勝者孰能至哉誠非史氏之所及也

五代史周本紀後總論

恭帝名宗訓世宗子封梁王以己未嗣立庚申禪於宋後十四年癸酉崩壽二十一

通考帝系考

右後周三世共九年首辛亥盡己未

右帝號

後唐莊宗既即位冊尊母曹氏爲皇太后而以嫡母劉氏爲皇太妃往謝太后太后有慚色太妃曰願吾兒享國無窮使吾獲沒於地以從先君幸矣復何言哉帝既滅梁使人迎太后歸洛居長壽宮而太妃獨留晉陽同光三年五月太妃薨七月太后薨諡曰貞簡葬坤陵而太妃無諡葬魏縣太妃與太后甚相愛其送太后於洛也涕泣而別太妃既卒太后悲哀不飲食月餘亦崩

五代史唐家人傳
通考帝系

同考

愍帝即位冊尊明宗后曹氏爲皇太后淑妃王氏爲皇太妃而敬唐兵犯京師廢帝與太后俱自燔死晉高祖立遷太妃於至德宮高祖后事妃如母乃封其所養子許王從益爲郇國公以奉唐祀契丹犯京師召從益與妃德光北歸留蕭翰守汴州漢高祖起太原翰欲北去乃使人召從益迫以來令權知南朝事漢高祖擁兵而南妃及從益遣人迎之既而俱遇害

通考帝系考

晉出帝即位尊高祖后李氏爲皇太后契丹入汴北遷歿於虜地建州安太妃出帝母即位冊爲

太妃北遷歿於虜地

五代史晉家人傳
通考帝系考同
案史云太妃卒於道中焚之藏其體骨至建州與李太后并葬

漢愍帝即位尊高祖后李氏爲皇太后周太祖入京師舉事皆稱太后誥已而議立相陰公贊爲天子未至請太后臨朝已入太祖出征軍士擁之以還太祖請事太后如母於是遷於太平宮上尊號

曰昭聖皇太后顯德元年春崩

五代史漢家人傳
通考帝系考同

周太祖皇后柴氏無子養后兄守禮之子以爲子是爲世宗守禮字克讓以后族拜銀青光祿大夫檢校吏部尚書兼御史大夫世宗卽位加金紫光祿大夫檢校司空光祿卿致仕居於洛陽終世宗之世未嘗至京師而左右亦莫敢言第以元舅禮之守禮頗恣橫嘗殺人於市有司以聞世宗不問時王溥王彥超韓令仲等同時將相皆有父在洛陽與守禮朝夕往來惟意所爲洛陽人多畏避之號十阿父守禮卒年七十二官至太傅

五代史闕家人傳
通考帝系考同

歐陽公史論曰父子之恩至矣孟子言舜爲天子替瞽殺人則棄天下竊負之而逃以謂天下可無舜不可無至公舜可棄天下不可刑其父此爲世立言之說也然事固有不得如其意者多矣蓋天子有宗廟社稷之重百官之衛朝廷之嚴其不幸有不得竊而逃則如之何而可予讀周史見守禮殺人世宗寢而不問蓋天下重矣而子於其父亦至矣故寧受屈法之過以申父子之道其所以合於義者蓋知權也君子之於事擇其輕重而處之耳失刑輕不孝重也刑者所以禁人爲非孝者所以教人爲善其意一也就爲重刑一人未必能使下無殺人而殺其父滅天性而絕人道孰爲重權其所謂輕重者則天下雖不能棄而父亦不可刑也然則爲舜與世宗者宜如何無使瞽瞍守禮至於殺人則可謂孝矣

周家人傳論

周恭帝卽位尊世宗皇后符氏爲皇太后宋太祖既受禪遷居西宮號周太后太平興國初入道爲

尼濬化四年殂

五代史周家人傳
通考帝系考同

右皇太后

梁太祖元貞皇后張氏單州碭山人太祖少聘之生末帝太祖貴封魏國夫人天祐元年卒太祖卽

位追冊爲賢妃末帝立追諡后

案五代史云末帝立追諡曰元貞皇太后

昭儀陳氏宋州人少以色進後專寵開平三年度爲尼

昭容李氏亦以色進拜昭容後不知所終

末帝德妃張氏父歸霸事太祖爲梁功臣帝爲王時以婦聘之帝卽位將冊德妃立爲后未及而卒

末帝次妃郭氏父登州刺史歸厚少以色進梁亡爲尼

以上並五代史梁宗人傳通考帝系考同

後唐太祖正室劉氏代北人太祖爲晉王時封秦國夫人莊宗卽位尊爲皇太妃

次妃曹氏太原人先封晉國夫人生莊宗莊宗卽位尊爲皇太后薨葬魏縣諡貞簡

莊宗神閔敬皇后劉氏魏州安成人晉王攻魏裨將袁建豐掠得之納之晉宮莊宗嗣位太后以賜

之有寵生子繼笈帝卽位將立后而衛國夫人韓氏正室也燕國夫人伊氏次妃位在劉氏上故難

其事宰相豆盧革樞使郭崇韜等希旨請立劉氏爲皇后上從之乃封韓氏爲淑妃伊氏爲德妃莊

宗遇弒后出奔明宗卽位遣人賜后死韓淑妃伊德妃皆居太原晉高祖反時爲契丹所虜

以上並五代史

唐家人傳通考帝系考同

自唐末喪亂后妃之制不備至莊宗時後宮之數尤多有昭容昭儀昭媛出使御正使吳懿才咸

一瑤芳懿德宣等其餘名號不可勝紀明帝已後又有司實司贊司膳司醢司飾司衣過藥梳篋衣服知客實省書省弟子院使等名皆封國夫人或郡夫人少者縣君前代內職無封君之禮此一時之制通考帝系考

明宗和武憲皇后曹氏不知所出天成元年封淑妃後立爲皇后愍帝卽位尊爲皇太后

明宗昭懿皇后夏氏不知所出生秦王從榮及愍帝帝未卽位前卒天成時追冊爲皇后

明宗淑妃王氏邠州餅家子初爲梁將劉鄩侍兒鄩卒帝納之卽位封爲淑妃愍帝卽位尊爲皇太妃

愍帝哀皇后孔氏父猶愍帝卽位將立爲皇后未及而難作帝出奔廢帝入與所生四子皆見殺晉

高祖立追諡曰哀

廢帝皇后劉氏父茂威應州渾元人初封沛國夫人帝卽位爲皇后石敬瑭犯京師與帝俱自焚死

以上並五代史唐家人傳通考帝系考同

晉高祖皇后李氏唐明宗女初號永寧公主天福二年有司請立皇后帝以宗廟未立謙抑未遑帝崩出帝卽位乃尊爲皇太后

安太妃代北人不知其世家生出帝帝立尊爲皇太妃

出帝皇后馮氏定州人父濠初適高祖弟重允重允卒出帝納之立爲皇后契丹入京師從帝北遷

不知所終以上並五代史晉家人傳通考帝系考同

漢高祖皇后李氏晉陽人本農家女高祖少爲軍卒入其家劫取之高祖貴封魏國夫人生隱帝高

祖卽位立爲皇后隱帝卽位爲皇太后

五代史漢家人傳
通考帝系考同

周太祖聖穆皇后柴氏邢州堯山人太祖少娶之太祖卽位已卒追冊爲皇后

太祖淑妃楊氏鎮州眞定人初爲趙王鎔妾鎔死嫁石光輔光輔卒太祖聘爲嬪室天福中卒卽位追冊爲妃

貴妃張氏鎮州眞定人初爲武氏婦武卒太祖納之太祖兵入京妃爲劉銖所殺卽位追冊

德妃董氏鎮州靈壽人初爲劉進超妻進超歿太祖聘之卽位冊爲德妃

世宗貞惠皇后劉氏不知所出帝微時所娶封縣君太祖舉兵留京師爲漢人所殺太祖卽位封彭

城郡夫人世宗卽位追冊爲皇后

宣懿皇后符氏彥卿之女初適李崇訓崇訓反誅帝納爲夫人卽位立爲皇后顯德時崩

皇后符氏宣懿后之妹宣懿后崩帝納之恭帝立尊爲皇太后

以上並五代史周家人
通考帝系考同

右后妃

梁太祖八子末帝柳王友裕博王友文郢王友珪福王友璋賀王友雍建王友徽康王友孜史不言

其母氏

五代史梁家人
傳通考同

後唐莊宗五子劉后生魏王繼岌繼繼高繼蟾繼曉史不言其母氏

明宗六子昭懿皇后夏氏生秦王從榮愍帝宣憲皇后魏氏生潞王從珂淑妃王氏生許王從益從

景從燦史不言其母氏

廢帝二子重吉重美史不言其母氏

以上並五代史唐家人傳
通考帝系考同

晉高祖七子李皇后生楚王重信虢王重英壽王重義郟王重允夔王重進陳王重杲重睿史不言其母氏

少帝二子延煦延寶史不言其母氏

以上並五代史晉家人傳
通考帝系考同

漢高祖三子魏王承訓隱帝陳王承勳史皆不言其母氏

五代史漢家人傳
通考帝系考同

周太祖三子養子世宗郟王侗杞王信史皆不言其母氏

世宗五子越王宗誼恭帝曹王宗讓紀王熙謹郟王熙誨史不言其母氏

以上並五代史周家人傳
通考帝系考同

右皇太子皇子

梁太祖女

安陽公主適羅延規

長樂公主適趙巖

普寧公主適王昭祚

金華公主

眞靈

公主

少帝女

壽春公主

壽昌公主

後唐武帝女

瓊華長公主適孟知祥

瑤英公主適張延釗

明宗女

承寧公主適晉高祖

興平公主適趙延壽

壽安公主

永樂公主

晉高祖女

長安公主適楊承祚

漢高祖女 永寧公主適宋延渥

周太祖女 樂安公主 壽安公主 適張承德 永寧公主

以上並通考帝系考

右公主

梁親王

廣王全昱太祖兄也太祖受禪封貞明二年卒

友諒全昱子初封衡王後嗣廣王坐弟友能反廢囚京師唐師入汴見殺

友能昱子封惠王後爲宋滑二州留後舉兵反敗死

友誨昱子封邵王坐友能反廢後爲唐兵所殺

安王友靈太祖兄存子受禪後封

密王友倫太祖兄存子受禪後封

彬王友裕太祖子爲忠武節度使卒受禪後追封

博王友文本姓康名勒太祖養以爲子受禪後封郢王友珪弑逆並殺友文

郢王友珪太祖子受禪後封乾化二年弑太祖篡位均王以兵討之自殺追廢爲庶人

福王友璋太祖子受禪後封

賀王友雍太祖子受禪後封

建王友徵太祖子受禪後封

康王友孜太祖子末帝卽位後封後以反誅以上並五代史梁家人傳通考帝系考同

唐親王

懿王存美太祖子同光三年封莊宗敗不知所終

承王存霸太祖子同光三年封莊宗敗爲軍卒所殺

辟王存禮太祖子同光三年封莊宗敗不知所終

申王存渥太祖子同光三年封莊宗敗與劉皇后同奔太原爲部下所殺

睦王存義太祖子同光三年封後以郭崇韜壻爲莊宗所殺

通王存確太祖子同光三年封莊宗敗爲霍彥威所殺

雅王存紀太祖子同光三年封莊宗敗爲霍彥威所殺

魏王繼岌莊宗長子同光三年封將兵伐蜀取之師回至渭南聞莊宗敗師徒潰散自縊死

繼潼 繼嵩 繼蟾 繼曉並莊宗子同光三年拜光祿大夫檢校司徒未封莊宗敗並不知所終

秦王從榮明宗子長興元年封後舉兵反敗死廢爲庶人

許王從益明宗子長興四年封晉天福四年封郟國公爲二王後奉唐帝祀開運二年契丹犯京師

復封許王等爲番將蕭翰立爲帝知南朝軍國事漢高祖入洛遇害

雍王重美末帝子清泰三年封晉兵入與末帝俱自焚死

洋王從璋明宗從子長興四年封晉時降封隴西郡公

竟王從溫明宗從子晉時爲忠武軍節度使

溼王從敏明宗從子晉時降封秦國公

以上並五代史唐家人傳
通考帝系考同

晉親王

韓王敬暉高祖弟爲曹州防禦使卒天福八年追封子曦嗣

楚王重信高祖子天福初爲河陽三城節度使范延光反遇害追封

陳王重景高祖子蚤卒追封

壽王重義高祖子張從賓反遇害追封

以上並五代史晉家人傳
通考帝系考同

漢親王

魏王承訓高祖子蚤卒追封

陳王承勳高祖子隱帝卽位爲開封尹周廣順元年追封

以上並五代史漢家人傳
通考帝系考同

周親王

鄭王侗太祖子漢末遇害顯德時追封

杞王佖太祖子漢末遇害顯德時追封

越王宗誼世宗長子漢末遇害顯德時追封

曹王宗讓世宗子顯德六年封

紀王熙謹世宗子顯德六年封宋乾德二年卒

蘄王熙誨世宗子顯德六年封

以上並五代史周家人
通考帝系考同

右封宗室親王

二十四史九通政典類要合編卷一百七十

五代二

禮上郊

明堂 社稷 大雩 祈風師雨師 禘 祭九宮貴神 謁孔子祠 祭太公廟 雜祠 宗廟 禘祫 皇太后廟 時享

寒食望祭 功臣配享 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

禮 祭器 牲牢 制禮

寒食望祭 功臣配享 祭器 牲牢 制禮

梁太祖開平二年十一月自東京赴洛都行郊天禮自石橋備儀仗至郊壇

三年正月以河南尹張宗奭為南郊大禮使故事皆以宰相為之今用河南尹充非常例也

周太祖廣順三年九月太常禮院奏準敕定郊廟制度洛陽郊壇在城南七里丙巳之地園丘四成

各高八尺一寸下廣二十丈再成廣十五丈三成廣十丈四成廣五丈十有二陛每節十二等燎壇

在泰壇之丙地方一丈高一丈二尺開上南出戶方六尺請下所司修奉從之時周太祖將拜南郊故修奉之

梁太祖南郊二開平三年正月二十四日其年十一月二日

後唐莊宗南郊一同光二年二月一日

明宗南郊一長興元年二月二十一日

周太祖南郊一顯德元年正月一日 以上並通考郊社考 續通志吉禮同

右郊

後唐莊宗同光元年有司上言秋季大享明堂請奉太祖配從之續通典禮典 續通志吉禮同

右明堂

周太祖廣順三年九月太常禮院奏社稷制度社壇廣五丈高五尺五色土築之稷壇如社壇之制社壇石主長五尺方二尺剡其上方其下半根在土中四垣華飾每神門屋三間一門門二十四戟四隅連飾梁懸如廟之制中可樹槐準禮左宗廟右社稷在國城內請下所司修奉從之

續通典禮

志吉禮同

右社稷

梁太祖開平二年二月以久無時雨命庶官徧祀羣聖近鎮按古法祈禳

後唐莊宗同光元年有司上言孟夏雩祀請奉太宗配從之

晉少帝天福八年五月以所在旱蝗命宰臣分詣寺觀禱雨尋遣供奉官詣嵩山投龍祈雨

以上並續通典禮

禮典續通志吉禮同

右大雩

梁太祖乾化二年五月詔委中書省各差官祈風師雨師

續通典禮續通志吉禮同

右祈風師雨師

後唐莊宗同光二年九月置水於城門以禳災惑

續通典禮

右禳災惑

後唐明宗長興元年冬十月丁酉始藏冰

周太祖顯德元年詔築壇北郊以孟冬祭司寒其藏冰開冰之祭俟冰室成即行之

並續通典禮典續通志吉禮同

右享司寒

梁太祖開平三年八月詔令中書侍郎平章事于兢往東嶽祭告

後唐愍帝應順元年詔三京諸道州府界內名山大川祠廟有益於民者以時精虔祭祀潞王清泰元年詔封吳嶽成德公爲靈應王其享祀官屬準舊儀並視五嶽

晉高祖天福二年五月勅青草湖安流侯進封廣利公洞庭湖利涉侯進封靈濟公十月命使祀五嶽四瀆詔下各州府量事修崇所有近廟山林仍禁樵採出帝開運三年二月詔令復祭中嶽差河南少尹行禮

周太祖廣順二年親征兗州遣翰林學士祭東嶽廟世宗顯德四年止祭沂山其諸鎮不祭七年就

差登州刺史張順祭海

以上並續通典禮典續通志吉禮同

右祭山川

後唐莊宗同光元年有司上言孟冬祭神州地祇請奉懿祖昭聖皇帝配

續通志吉禮

右祭神州地祇

梁太祖乾化二年五月詔委中書省各差官祈九宮貴神

續通典禮典

右祭九宮貴神

周太祖廣順二年六月以文宣王四十三代孫前曲阜縣令孔仁玉為曲阜縣令亞聖顏淵裔孫顏涉為主簿仍敕兗州修葺祠宇墓側禁樵採時車駕親征兗州既平遂幸曲阜謁孔子祠既奠將致敬左右曰仲尼人臣也無致敬之禮帝曰文宣為百代帝王師得無拜之遂拜於祠前

續通志吉禮此條並見

學校門

右謁孔子祠

後唐明宗長興三年太常禮院准國子博士蔡同文奏請武成王廟四壁從祀諸英賢各設簾二豆

二簠盞各一爵一

周世宗顯德五年詔春秋上戊釋奠武成王廟每祭差上將軍將軍充二獻官

並續通典禮典續通志吉禮同

右祭太公廟

後唐明宗天成二年幸白司馬坡祭突厥神

續通典禮典

右雜祠

梁開平元年夏四月太祖初受禪乃立四廟于西京從近古之制也

舊五代史禮志

梁太祖開平元年追尊皇高祖諡廟號肅祖皇曾祖茂琳

按五代會要作茂琳今據五代史

廟號敬祖皇祖信廟號

憲祖皇考誠廟號烈祖

續通典禮典

唐同光二年六月太常禮院奏國家興建之初已于北都置廟今克復天下遷都洛陽却復本朝宗廟按禮無二廟之文其北都宗廟請廢乃下尙書省集議禮部尙書王正言等奏議曰伏以都邑之制宗廟爲先今卜洛居尊開基御宇事當師古神必依人北都先置宗廟不宜並設况每年朝享禮有常規時日旣同神何所據竊聞近例亦有從權如神主已修迎之藏于夾室若廟宇已崇虛之以爲恆制若齊桓公之廟二主禮無明文古者師行亦無遷于廟主昔天后之崇鞏洛禮謂非宜漢皇之戀豐滕事無所法注本朝故事禮院具明洛邑舊都嵩高正位豈宜遠宮闕之居建祖宗之廟事非可久理在從長其北都宗廟請準太常禮院申奏停廢從之 天成元年中書舍人馬縞奏曰伏

見漢晉已來諸侯王宗室承襲帝統除七廟之外皆別追尊親廟漢光武皇帝立先四代于南陽其後桓帝已下亦皆上攷前修追崇先代乞依兩漢故事別立親廟詔下尙書省集百官定議禮部尙書蕭頊等議曰伏見方冊所載聖槩所存將達殞藻之誠新有棄稅之制臣等集議其追尊位號及

建廟都邑乞特降制命依馬縞所議

舊五代史禮志

後唐莊宗同光元年追尊皇曾祖執宜廟號懿祖皇祖國昌廟號獻祖皇考克用廟號太祖仍奉唐高祖太宗懿宗昭宗爲七廟二年太常禮院奏國家興建之初已於北都置廟今克復天下遷都洛陽復本朝宗廟案禮無二廟之文其北都宗廟請廢從之明宗天成二年追尊皇高祖聿廟號惠祖皇曾祖教

五代會要作教

廟號毅祖皇祖玟廟號烈祖皇考電

五代會要作電

廟號德祖立廟於應州西京七廟仍

同光之舊按明宗爲太祖養子實爲莊宗之位故歐史以反書其仍西京七廟特緣飾耳愍帝應順元年明宗應祔廟中書門下奏今太廟

見享七室高祖太宗懿宗昭宗獻祖太祖莊宗大行升祔禮合祧遷獻祖下尚書集議從之時議者以懿祖

賜姓於懿宗以支庶繫大宗例宜以懿爲始祖次昭宗可也不必祖神堯而宗太宗若依漢光武則宜於代州立獻祖而下親廟其唐廟依舊禮行之可也而議諡者忘咸通之懿宗又稱懿祖父子俱

懿於理可乎將朱邪三世與唐室四廟連敘昭穆非禮也議諡者不知懿祖受氏於唐而祧之今又及獻祖以禮論之始祧昭宗次祧懿宗可也而懿宗如唐景皇帝豈可祧乎按五代史莊宗本紀

咸通間朱邪赤心以從討麗助功賜姓名曰李國昌是受氏於懿宗者係獻祖而非懿祖今據通考及五代會要輯

晉高祖天福二年中書明下奏皇帝到京未立宗廟所司請立高祖以下四親廟其始祖一廟未敢

輕議令都省百官集議御史中丞張昭議臣讀十四代史書唯殷周二代以契稷爲太祖漢魏以來

皆於親廟之中以有功者爲太祖無追崇始祖之例請依隋唐有國之初創立四廟推四世之中名

位高者爲太祖謹議以聞勅令尚書省集議奏聞乃倣唐制追尊皇高祖璟五代會要作景廟號靖祖皇會

祖彬五代會要作彬廟號肅祖皇祖昱廟號睿祖皇考紹雍廟號獻五代會要作憲祖四年十一月太常禮院奏請

以至德宮正殿隔爲五室三分之南去地四尺以石爲埕中容二主廟之南一屋三門門戟二十有

四東西一屋一門門無棨戟帝后神主舊在青化里之寢宮祭前二日迎置新廟少帝天福七年十

一月祔高祖神主於太廟

漢高祖天福十二年時漢高祖已卽位尚仍天福之號太常博士段頤奏請立高曾祖禰四廟更上追遠祖光武皇

帝爲百代不遷之廟居東向之位吏部尚書竇貞固等議古者四親廟之外祖功宗德不拘定數今

除四親廟外更請尊高皇帝光武皇帝爲世祖於是追尊皇高祖湍廟號文祖皇曾祖昂廟號德祖

皇祖僕廟號翼祖皇考瑁廟號顯祖以高皇帝爲高祖光武皇帝爲世祖皆不祧共六廟時論者以天子建國

各從其所起堯自唐侯禹生大夏是也立廟皆祖其功商之契周之后稷是也高祖起於晉陽而追嗣兩漢徒以同姓爲遠祖甚非其義貞固又以四親匹庶上合高光失之彌遠矣以上並續通典

禮典通考宗廟考續述志吉禮同

周廣順元年正月中書門下奏太常禮院議合立太廟室數若守文繼體則魏晉有七廟之文若創

業開基則隋唐有四廟之議聖朝請依近禮追諡四廟伏恐所議未同請下百官集議太子太傅和

疑等議請據禮官議立四親廟從之
五代會要和疑議曰恭以肇啟洪圖惟新黃屋左宗廟而右社稷率由舊章崇祖禰而辨尊卑載于前史雖質文互變義懸各

殊或觀損益之規咸繫興隆之始陛下體元立極本義祖仁開變家成國之基遵奉先思孝之道據禮官議立四親廟以叶前文從之其年四月中書門下奏太常

禮院申七月一日皇帝御崇元殿命使奉冊四廟準舊儀服袞冕卽座太尉引冊案入皇帝降座引

立于御座前南向中書令奉冊案進皇帝摺珪捧授冊使跪受轉授昇冊官其進寶授寶儀如冊案

臣等參詳至時請皇帝降階授冊從之三年九月將有事于南郊議于東京別建太廟時太常禮

院言準洛京廟室一十五間分爲四室東西各有夾室四神門每方屋一間各三門戟二十四別有

齋宮神厨屋宇準禮左宗廟右社稷在國城內請下所司修奉從之其月太常禮院奏迎太廟社

稷神主到京其日未審皇帝親出郊外迎奉否檢討故事元無禮例伏請召三省官集議敕宜令尙

書省四品已上中書門下五品已上同參議司徒竇貞固司空蘇禹珪等議按吳主孫休卽位迎祖

三國志文其頁要合編 卷一百七十 五代 禮上 約雅堂藏板

父神主于吳郡入祔太廟前一日出城野次明日常服奉迎此其例也遂署狀言車駕出城奉迎爲是請下禮儀使草定儀注至十月禮儀使奏太廟神主將至前一日儀仗出城掌次于西御莊東北設神主行廟幄幕面南其日放朝羣臣早出西門皇帝常服出城詣行宮羣臣起居畢就次神主將至羣臣班定皇帝立于班前神主至太常卿請皇帝再拜羣臣俱拜神主就行廟幄幕坐設常饌羣臣班于神幄前侍中就次請皇帝謁神主既至羣臣再拜皇帝進酒畢再拜羣臣俱拜皇帝還幄羣臣先赴太廟門外立班俟皇帝至起居俟神主至羣臣班于廟門外皇帝立于班前太常卿請皇帝再拜羣臣俱拜皇帝還幄羣臣就次宮闈令安神主于本室訖羣臣班于廟庭太常卿請皇帝于四室奠饗逐室皇帝再拜羣臣俱拜四室祔饗畢皇帝還宮前件儀注望付中書門下宣下從之顯德六年七月詔以大行皇帝山陵有期神主將祔太廟其廟殿室宇合添修否國子司業兼太常博士聶崇義奏議曰奉敕爲大行皇帝山陵有期神主祔廟恐殿室間數少合重添修今詣廟中相度若是添修廟殿一間至兩間並須移動諸神門及角樓宮牆仗舍及堂殿正面檐楹階道亦須東省牲立班位直至齋宮漸近迫窄今重拆廟殿續更添修不唯重勞兼恐未便竊見廟殿見虛東西二夾室况未有祔遷之主欲請不拆廟殿更添間數即便將夾室重安排六室位次所有動移神主若準舊禮于殿庭權設行廟幕殿即恐雨水猶多難于陳設伏請權于太廟齋宮內奉安神主至修奉畢日庶爲宜稱又按禮記云廟成則于中屋刲羊以饗之夾室則用雞又大戴禮及通典亦有夾室

察文觀義乃是備廟之制况新主祔廟諸經有遷易之文攷古沿今庶合通理伏請遞遷諸室奉安
大行皇帝神主以符禮意敕依典禮

舊五代史禮志

右宗廟

後唐長興元年九月太常禮院奏來年四月孟夏禘饗于太廟謹案禮經三年一禘以孟冬五年一禘以孟夏已毀未毀之主並合食于太祖之廟逐廟功臣配饗于本廟之庭本朝寶應元年定禮奉景皇帝高祖太宗爲始封之祖既廟號太祖百代不遷每遇禘祫位居東向之尊自代祖元皇帝高祖太宗已下列聖子孫各序昭穆南北相向合食于前聖朝中興重修宗廟今太廟見饗高祖太宗懿宗昭宗獻祖太祖莊宗七廟太祖景皇帝在祧廟之數不列廟饗將來禘禮若奉高祖居東向之尊則禘饗不及于太祖代祖若以祧廟太祖居東向之位則又違于禮意今所司修奉祧廟神主及諸色注物已備合預請參詳事須具狀申奏勅下尚書省集百官詳議戶部尚書韓彥憚等奏議曰伏以本朝尊受命之祖景皇帝爲始封之君百代不遷長居廟食自貞觀至于天祐無所改更聖祖神孫左昭右穆自中興國祚再議宗祫以太祖景皇帝在祧廟之數不列祖宗欲尊太祖之位將行東向之儀爰命羣臣同議可否伏詳本朝列聖之舊典明皇定禮之新規開元十年特立九廟子孫遵守歷代無虧今旣行定禮之規又以祧太祖之室昔德宗朝將行禘祫之禮顏真卿議請奉獻祖居東向之位景皇帝暫居昭穆之列攷之于貞元則以爲誤行之于今日正得其禮今欲請每遇禘

禘之歲暫奉景皇帝居東向之尊自元皇帝以下敘列昭穆從之舊五代史禮志

後唐長興二年四月禘享於太廟

周顯德五年六月禘於太廟先是言事者以皇家宗廟無祧遷之主不當行禘禘之禮國子司業聶崇義以爲前代宗廟追尊未毀皆有禘禘則援故事九條以爲其證曰魏明帝以景初三年正月崩至五年二月禘祭明年又禘自茲以後五年爲常且魏以武帝爲太祖至明帝始三帝而已未有毀主而行禘禘其證一也宋文帝元嘉六年祠部定十月三日殷祠其太學博士議禘云按禘禘之禮三年一五年再宋自高祖至文帝纔亦三帝未有毀主而行禘禘其證二也梁武帝用謝廣議三年一禘五年一禘謂之殷祭禘祭以夏禘祭以冬且梁武乃受命之君僅追尊四廟而行禘禘則知祭者是追養之道以時移節變孝子感而思親故薦以首時祭以仲月間以禘禘序以昭穆乃禮之經也非闕宗廟備與不備其證三也唐禮貞觀九年將祔高祖於太廟國子司業朱子奢請准禮立七廟是時乃立六廟而行禘禘今檢會要及通典并禮閣新儀皆載此禮並與實錄符同此乃廟亦未備而行禘禘其證四也貞觀十六年四月己酉光祿大夫宗正卿紀國公段綸卒太宗甚傷悼爲不視朝將出臨之太常奏禘禘祭致齋不得哭乃止此明太宗之時宗廟未備實行禘禘其證五也貞觀二十三年自九嶼葬回迎神主於太極殿之西階日中行虞祭之禮有司請依典禮以神主祔廟高宗欲留神主於內寢旦夕供食申在生之敬詔停祔禮英國公李勣等抗表固請曰竊以祖功宗

德飾終之明典文昭武穆嚴配之明訓今停祔廟奉徇哀情直據典章乖替爲甚又國哀已後而廟
停時祭逾月之後須申大禘以唐禮九廟觀之自太宗已上纔足七廟未有毀主將申大禘其證六
也貞觀十六年四月癸丑有司言將行禘祭依今禮禘享功臣並得配享於廟廷禘享則不配請集
禮官學士等議太常卿韋挺議曰其禘及時享功臣皆應不預故周禮六功之官皆大烝而已大烝
卽禘祭也梁初誤禘功臣左丞駁議武帝允而依行降及周隋俱遵此禮竊以五年再禘合諸天道
一大一小通人雅論小則人臣不預大則兼及有功今禮禘無功臣誠謂禮不可易太宗改令從禮
載詳此論該曉歷代援據甚明又貞觀年中累陳禘禘其證七也高宗上元三年有司禘享于太廟
上有七室未有遷主通典會要及禮閣新儀具明此禮其證八也中宗景龍三年八月帝將祠南郊
欲以韋皇后助行郊禮國子司業郭山等議云皇朝舊禮圖丘分祭天地唯有皇帝親拜更無皇后
助祭之文及時享并禘禘亦無助祭之事今據中宗之代國子祭酒等舉禘禘之文稱是皇朝舊禮
又明太宗高宗之朝皆行禘禘其證九也疏奏從之

以上並通考宗廟考續
通典禮典續通志吉禮同

右禘禘

後唐廢帝清泰二年追尊魯國太夫人魏氏爲皇太后於京師河南府東立寢宮

續通典禮典

右皇太后廟

梁太祖開平三年正月十月並享于太廟

後唐莊宗同光元年四月立七廟于太原二年正月神主自太原案唐建太微宮于洛京後唐莊宗本紀載同光元年十一月甲子如洛京二年正月神主自太原朝獻于太微宮享于太廟明宗長興元年二月享于太廟當屬自太原至洛京朝獻太微宮也

周太祖廣順三年十二月享于太廟以上並續通典禮典

右時享

後唐莊宗同光三年寒食望祭於西郊路王清泰三年車駕北幸路當徽陵明宗陵乃至陵所朝謁

晉出帝初時未改元仍稱天福八年寒食望祭顯陵高祖陵

漢隱帝立之二年時仍稱乾祐三年寒食望祭於南御園

周太祖廣順元年二月寒食望祭於蒲池二年三月寒食望祭於郊世宗顯德元年六月車駕征太

原回祭嵩陵太祖陵 以上並續通典禮典 續通志吉禮同

右寒食望祭

後唐明宗長興二年詔以故昭義節度使李嗣昭故幽州節度使周德威故汴州節度使符存審配

享莊宗廟庭續通典禮典 續通志吉禮同

右功臣配享

周廣順三年九月南郊禮儀使奏郊祀所用珪璧制度準禮祀上帝以蒼璧祀地祇以黃琮祀五帝以珪璋琥璜其玉各依本方正色祀日月以珪璋祀神州以兩珪有邸其用幣天以蒼色地以黃色

配帝以白色日月五帝各從本方之色皆長一丈八尺其珪璧之狀璧圓而琮八方珪上銳而下方半珪曰瓊琥爲虎形半璧曰璜其珪璧琮璜皆長一尺二寸四珪有邸邸本也珪著于璧而整肅也日月星辰以珪璧五寸前件珪璧雖有圖樣而長短之說或殊按唐開元中明皇詔曰祀神以玉取其精潔比來用珉不可行也如或以玉難辦虛小其制度以取其真今郊廟所修珪璧量玉大小不必皆從古制請下所司修制從之

顯德四年夏四月禮官博士等準詔議祭器祭玉制度以闕時國子祭酒尹拙引崔靈恩三禮義宗云蒼璧所以祀天其長十有二寸蓋法天之十二時又引江都集白虎通等諸書所說云璧皆外圓內方又云黃琮所以祀地其長十寸以法地之數其琮外方內圓八角而有好國子博士聶崇義以爲璧內外皆圓其徑九寸又按阮氏鄭氏圖皆云九寸周禮玉人職又有九寸之璧及引爾雅云肉倍好謂之璧好倍肉謂之瓊肉好若一謂之環郭璞注云好孔也肉邊也而不載尺寸之數崇義又引冬官玉人云璧好三寸爾雅云肉倍好謂之璧兩邊肉各三寸通好共九寸則其璧九寸明矣崇義又云黃琮八方以象地每角各刻出一寸六分其長八寸厚一寸按周禮疏及阮氏圖並無好又引冬官玉人云琮八角而無好崇義又云琮璜珪璧俱是祀天地之器而爾雅唯言璧環琬三者有好其餘黃琮諸器並不言之則黃琮八角而無好明矣太常卿田敏以下議以爲尹拙所說雖有所據而崇義援周禮正文其理稍優請從之其諸祭器制度亦多以崇義所議爲定

舊五代史禮志

右祭器

顯德二年秋八月兵部尙書張昭上言今月十二日伏蒙宸慈召對面奉聖旨每年祀祭多用太牢念其耕稼之勞更備犧牲之用比諸黍養特可愍傷令臣等討故事可以他牲代否臣仰稟綸言退尋禮籍其三牲八簋之制五禮六樂之文著在典彝迭相沿襲累經朝代無所改更臣聞古者燔黍脾豚尙多質略近則梁武麩牲竹脯不可宗師雖好生之德則然于奉先之儀太劣葢禮主于信孝本因心黍稷非馨鬼神饗德不必牲牢之巨細籩豆之方圓苟血祀長保于宗祧而牲俎何須于藹粟但以國之大事儒者久行易以他牢恐未爲便以臣愚見其南北郊宗廟社稷朝日夕月等大祠如皇帝親行事備三牲如有司攝行事則用少牢已下雖非舊典貴減牲牛是時太常卿田敏又奏云臣奉聖旨爲祭用犢事今太僕寺供犢一年四季都用犢二十二頭唐會要武德九年十月詔祭祀之意本以爲民窮民事神有乖正直殺牛不如禘祭明德卽是馨香望古推今民神一揆其祭圜丘方澤宗廟已外並可止用少牢用少牢者用特性代時和年豐然後克修常禮又按會要天寶六載正月十三日赦文祭祀之典犧牲所備將有達于虔誠葢不資于廣殺自今後每大祭祀應用騂犢宜令所司量減其數仍永爲恆式其年起請以舊科每年用犢二百一十二頭今請減一百七十三頭止用三十九頭餘祠費並停用犢至上元二年九月二十一日赦文國之大事郊祀爲先貴其至誠不美多品黍稷雖設猶或非馨牲牢空多未爲能饗圜丘方澤任依恆式宗廟諸祠臨時獻熟

用懷明德之馨庶合西隣之祭其年起請昊天上帝太廟各太牢一餘祭並隨事市供若據天寶六載自二百一十二頭減用三十九頭據武德九年每年用犢十頭圜丘方澤一宗廟五據上元二年起請祗昊天上帝太廟又無方澤則九頭矣今國家用牛比開元天寶則不多比武德上元則過其大半案會要太僕寺有牧監掌孳課之事乞今後太僕寺養孳課牛其犢遇祭昊天前三月養之滌宮取其蕩滌清潔餘祭則不養滌宮若臨時買牛恐非典故奉勅祭祀尚誠祝史貴信非誠與信何

以事神約祭重于殺牛黍稷輕于明德犧牲之數具載典經前代以來或有增損宜採酌中之禮且從貴少之文起今後祭圜丘方澤社稷並依舊用犢其太廟及諸祠宜準上元二年九月二十一日制並不用犢如皇帝親行事則依常式

舊五代史禮志

右牲牢 以上吉禮

禮下

國恤 山陵 喪期以上四禮 講武 田獵 宜露布以上軍禮 三恪二王後 鄉飲酒以上賓禮 朝儀 聖節朝賀 巡幸 追尊祖考妣 崇所生母 冊命諸侯王 天子冊后 天子冊妃嬪 天子公主婚嫁 養老 嗣社

後唐莊宗同光三年七月正簡皇太后遺令曰皇帝以萬機至重八表所尊勿衣粗縷勿居諒闇三

年之制以日易月過三日便親朝政皇后諸妃及諸王公主並制齊縷本服以日易月十三日除中

書門下翰林學士在朝文武百官內諸司使及諸道節度觀察防禦使刺史監軍及前資官并寮佐

官吏士庶僧道百姓並準本朝故事降服施行勿使過制皇帝釋服不御八音勿廢羣祀勿斷屠宰

勿禁晏遊園陵喪制皆從簡省故申遺令奉而行之

其月太常禮院奏按故事中書門下翰林學士在朝文武官內諸司使供奉官以下從成服三日每日赴長壽宮朝臨自後不臨其服以日易月十三日除至小祥日合釋服每至月朔月望小祥大祥釋服日未除服者縗服臨已除服者則素服不臨並赴長壽宮先拜靈訖移班近東進名奉慰又奏準故事文武前資官及六品以下未升朝官并士庶等各於本家素服一臨禁衛諸軍使已下各於本軍廳事素服一臨僧尼道士各於本寺觀一臨外命婦各於本家素服朝臨三日諸道節度觀察防禦團練刺史及僚佐等聞哀後當日成服三日改懸十三日除從之

並通考
王禮

右國恤

梁太祖崩葬宣陵在洛京伊闕縣

六月五日崩
十月十日葬

後唐同光三年六月敕關內諸陵頃因喪亂類遭穿發多未掩修其下宮殿宇法物等各令奉陵州府據所管陵園修製仍四時各依例薦饗逐陵各差近陵百姓二十戶放雜差役以備灑掃其壽陵等一十陵亦一例修掩量差陵戶仍授尙書工部郎中李途京兆少尹完修奉諸陵使

後唐莊宗崩葬雍陵在洛京新安縣

四月崩次
年七月葬

明宗崩葬徽陵在洛京洛陽縣

十一月崩次
年四月葬

末帝秦清三年車駕北幸路當徽陵乃至陵所朝謁

晉高祖崩葬顯陵在洛京壽安縣

六月十三日崩十月十日葬

漢高祖崩葬睿陵在洛京都城縣

正月二十七日崩十一月二十七日葬

隱帝崩葬潁陵在許州陽翟縣

十一月二十一日崩八月十二日葬

周太祖崩葬嵩陵在鄭州新鄭縣

正月十七日崩四月十二日葬

先時帝屢戒晉王曰昔吾西征見唐十八陵無不發掘者此無他惟多藏金玉故也我死當衣以紙衣斂以瓦棺速營葬勿久留宮中壙中無用石以變代之工人徒役皆和雇勿以煩民葬畢募近陵民三十戶蠲其雜徭使之守視勿修下宮勿置守陵宮人勿作石羊虎人馬惟刻石至陵前云周天子平生好儉約遺令用紙衣瓦棺嗣天子不敢違也汝或違吾吾不福汝

世宗顯德元年六月車駕征太原回拜嵩陵至陵所哀泣感左右祭奠而退賜奉陵將吏及近郊人

金帛有差世宗崩葬慶陵在鄭州管城縣

六月十九日崩十一月一日葬

恭帝崩葬順陵在慶陵之側

以上並通考王禮

右山陵

後唐莊宗同光三年七月貞簡皇太后遺令曰皇帝以萬幾至重八表所尊勿衣粗纒勿居諒闇皇

后諸妃及諸王公妃主並制齊縗本服以日易月十三日除中書門下翰林學士在朝文武百官內

諸司使及諸道節度觀察防禦使刺史監軍及前資官并僚佐官吏庶僧道百姓並准本朝故事

降服施行勿使過制皇帝釋服不御八音勿廢羣祀勿斷屠宰勿禁遊宴園陵喪制皆從簡省其月太常禮院奏案故事中書門下翰林學士在朝文武官內諸司使供奉官以下從成服三日每日赴長壽宮朝臨自後不臨其服以日易月十三日除至小祥日合釋服每至朔望小祥大祥釋服日未除服者纓服臨已除服者則素服不臨並赴長壽宮先拜靈訖移班近東進名奉慰又奏淮故事文武前資官及六品以下未升朝官並士庶等各於本家素服一臨禁衛諸軍使以下各於本軍廳事素服一臨僧尼道士各於本寺觀一臨外命婦各於本家素服朝臨三日諸道節度觀察防禦團練刺史及僚佐等聞哀後當日成服三日改鑿十三日除從之

續通志凶禮

右喪期 以上凶禮

梁太祖開平元年冬十月講武於繁臺

晉高祖天福二年十月敕習戰講武歷代通規選士練兵其來舊制宜以每年農隙時講武仍準令式處分

周世宗顯德元年三月壬辰次澤州閱兵於北郊

以上並續通志軍禮

右禮武

後唐莊宗同光三年十二月己卯獵於白沙皇后及太子後宮畢從歷伊闕宿龔澗癸未乃還明宗天成二年十二月敗於東郊

晉出帝天福八年時未改元故仍稱天福十月敗於近郊開運二年三月敗於戚城十二月臘敗於郊並通志

右田臘

後唐明宗天成四年定州行營招討使王宴球獻逆人王都首級并俘誠帝御威安樓立杖百官就

列尚書兵部宣露布於樓前宣訖百官稱賀

晉高祖天福七年正月鎮州行營招討使杜重威收復鎮州傳逆人安重榮首級來獻帝御乾明樓

杖衛如儀宣露布訖百官稱賀其年九月襄州行營都部署高行周等執逆賊安重進等四十四人

來獻帝御乾明門受俘宣露布訖百官稱賀

漢隱帝乾祐二年七月西南行營都部署露布獻河中府所獲逆賊李守貞首級并俘誠等帝御明

德門樓受俘羣臣稱賀以上並續通志軍禮

右宣露布 以上軍禮

梁太祖開平二年封鴻臚卿李崧萊國公與鄴國公為二王後以介國公為三恪

晉同梁制高祖天福四年封李從益為郇國公以奉唐後並續通志實禮

右三恪二王後

後唐時左僕射李愚請頒唐六典示百司使州縣貢士行鄉飲酒禮時以其迂闊不果行續通典

右鄉飲酒 以上賓禮

後唐同光元年十二月中書門下奏每日常朝百官皆拜獨兩省官不拜准本朝故事朝退於廊下賜食謂之廊餐百官遂有謝食拜唯兩省官本省有厨不赴廊餐故不拜伏自僖宗幸蜀迴以多事之後遂廢廊餐百官拜儀至今未改將四十載禮恐難停唯兩省官獨尙不拜豈可終日趨朝曾不一拜獨於班列有所異同若言官是近臣於禮尤宜肅謹起今後逐日常朝宣不坐除職事官押班不拜外其兩省官與東西班並齊拜從之

天成元年五月十九日敕本朝舊日趨朝官置待漏院候子城門開便入立班如遇不坐前一日晚便宣來日兩衙不坐其日纔明閣門立班便宣不坐百官各退歸司近年以來雖遇不坐正殿或是延英對宰臣或是內殿親決機務所司不循舊制往往及辰巳之時尙未放班旣日色已高人心咸倦今後若遇不坐日未御內殿前便令閣門使宣不坐放朝班退

五月詔每月朔望日賜百官廊下餐

唐室升平日常參官每日常退賜食謂之廊餐自乾符亂離之後祇遇月旦入閣日賜食上初卽位命百官五日一起居李琪以爲非故事請罷之唯每月朔望日入閣賜食至是宣旨朔望入閣外依舊五日一起居遂爲定式

五代史李琪傳曰唐末喪亂朝廷之禮壞天子未嘗視朝而入閣之制亦廢常參之官日至正衙者傳聞不坐卽退獨大臣奏事日一見便殿而侍從內諸司日再朝而已明宗初卽位乃詔羣臣

五日一隨宰相入見內殿謂之起居琪以謂非唐故事請罷五日起居而復朔望入閣明宗曰五日起居吾思所以數見羣臣也不可罷而朔望入閣可復然唐故事天子日御殿見羣臣曰常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣其不御前殿而御紫宸也乃自正衙喚仗由閣門而入閣官俟朝於衙者因隨以入見故謂之入閣然衙朝也其禮尊閣宴見也其事殺自乾符已後因亂禮闕天子不能日見羣臣而見朔望故正衙常日廢仗而朔望入閣有仗其後習見遂以入閣爲重至出御前殿猶謂之入閣其後亦廢至是而復然有司不能講正其事凡羣臣五日一入見中興殿便殿也此入閣之遺制而謂之起居朔望一出御文明殿前殿也反謂之入閣琪皆不能正也琪又建言入閣有待制次對官論事而內殿起居一見而退欲有言者無由自陳非所以數見羣臣之意也明宗乃詔起居日有言事者許出行自陳又詔百官以次轉對

三年中書門下奏逐日常朝宣奉敕不坐兩省官與東西兩班並拜押班宰臣不拜或聞班行所論承前有廊餐百官謝食兩省卽各有常廚從來不拜或云有侍臣不拜檢尋故實不見明規百官拜爲廊餐卽承旨合宣有敕賜食供奉官不拜亦恐非儀且左右前後之臣日面天顏豈可不拜臣等商量今後常朝押班宰臣亦拜通事舍人亦拜閣門外放仗亦拜從之

晉開運元年十一月尙書吏部侍郎張昭遠奏文武常參官日於正衙立班閣門使宣不坐後百僚

俱拜舊制唯押班宰相押樓御史通事舍人各緣提舉贊揚所以不隨庶官俱拜自唐天成末議者不悉朝儀遽違舊典遂令押班之職一例折腰此則深忽禮文殊乖故實且宰相居庶僚之首御史持百職之綱嚴肅禁庭糾繩班列慮於拜揖之際或爽進退之宜於是疑立靜觀檢其去就若令旅拜旅揖實恐非儀况事要酌中恭須近禮人臣愛主不在於斯其通事舍人職司贊導比者兩班進退贊相其宜今則在文班武班之前居一品二品之上押笏齊拜禮實未聞其押班宰相押樓御史通事舍人並請依天成三年已前禮例施行殿中侍御史賈元珪奏除押樓御史通事舍人請依張昭遠奏其宰臣押班請依舊設拜從之

石林葉氏曰唐以宣政殿爲前殿謂之正衙卽古之內朝也以紫宸殿爲便殿謂之上閣卽古之燕朝也而外別有含元殿古者天子三朝外朝內朝燕朝外朝在王宮庫門外有非常之事以詢萬民於宮中內朝在路門外燕朝在路門內蓋內朝以見羣臣或謂之路朝燕朝以聽政猶今之奏事或謂之燕寢鄭氏小宗伯注以漢司徒府有天子以下大會殿爲周之外朝而蕭何造未央宮言前殿則宜有後殿大會殿設於司徒府則爲外朝而宮中有前後則爲內朝燕朝蓋去周猶未遠也唐含元殿宜如漢之大會殿宣政紫宸乃前後殿其沿習有自來矣方其盛時宣政蓋常朝日見羣臣遇朔望陵寢薦食然後御紫宸旋傳宣喚仗入閣宰相押之由閣門進百官隨之入謂之喚仗入閣紫宸殿言閣猶古之言寢此御朝之常制也中世亂離宣政

不復御正衙立仗之禮遂廢惟以隻日常朝御紫宸而不設仗敬宗始復修之因以朔望陳仗紫宸以爲盛禮亦謂之入閣誤矣

又曰唐正衙日見羣臣百官皆在謂之常參喚仗入閣百官亦隨以入則唐制天子未嘗不日見百官也其後不御正衙紫宸所見惟大臣及內諸司百官候朝於正衙者傳聞不坐卽退則百官無復見天子矣敬宗再舉入閣禮之後百官復存朔望兩朝至五代又廢故後唐明宗始詔羣臣每五日一隨宰相入見謂之起居時李琪爲中丞以爲非禮請復朔望入閣之禮明宗曰五日起居吾思見羣臣不可罷朔望入閣可復遂以五日羣臣一入見中興便殿爲起居朔望天子一出御文明前殿爲入閣訖於宋朝不改元豐官制行始詔侍從官而上日朝垂拱謂之常參官百司朝官以上每五日一朝紫宸爲六參官在京朝官以上朔望一朝紫宸爲朔參

官遂爲定制

以上並通考王禮考

同光二年正月庚子朔帝袞冕御明堂殿受朝賀太常樂左右金吾仗六軍諸衛如常儀明宗天成

元年十一月癸亥日南至帝御文德殿百僚稱賀三年十月中書奏按貞元四年中書侍郎李泌奏

冬至日受朝賀請準元日從之十一月癸亥冬至帝御崇元殿受朝賀仗衛如式

天成元年五月敕本朝舊日趨朝官

置待漏院候子城門開便入立班如遇不坐前一日晚便宣來日兩衙不坐其日纔明閣門立班便宣不坐百官各退歸司近年以來雖遇不坐正殿或是延英對宰臣或是內殿親決機務所司不循舊制往往及辰已之時尙未放班今後若遇不坐日未御內殿前便令閣門使宣不坐放朝退班長興元年二月郊祀畢敕宣放兩日朝參以百官

行事之勞故也五月詔諸州得替防禦團練所刺史並宣於班行比擬如未有員闕可隨常參官逐日立班

晉高祖天福二年正月甲寅朔帝御文明殿受文武百僚朝賀四年十二月禮官奏歲正旦王公上壽皇帝舉酒奏元同之樂再飲三飲並奏文同之樂三飲訖羣臣再拜樂奏大同蕤賓之鍾左右皆應是月又奏正旦宮縣歌舞未全且請雜用九部雅樂歌聲坊法曲從之五年冬十一月冬至帝御崇元殿受朝賀始用二舞帝舉觴奏元同之樂登歌奏文同之樂舉食文舞歌昭德之舞武舞歌成功之舞少帝開運元年十一月吏部侍郎張昭遠奏文武常參官每日於正衙立班閤門使宣不坐後百僚俱拜舊制惟押班宰相押樓御史通事舍人各緣提舉贊場所不隨庶官俱拜自唐天成末議者不悉朝儀遽違舊典請依天成三年以前禮例施行殿中侍御史賈元珪奏通事舍人居贊導之職押樓御史當糾察之司一則示於紀綱一則防於謬誤俾令不拜雅合其宜宰相押班儀型文武統冠羣僚所宜列拜不得比贊導之職糾察之司致乖禮意帝從之

周太祖廣順三年正月壬子朔帝御崇元殿羣臣朝賀樂縣仗衛如常儀班退太祖御永福殿羣臣百僚稱觴獻壽舉教坊樂世宗顯德四年二月詔文武百僚起今後每遇入閣日宣賜廊餐八月乙卯帝御崇元殿文武百官入閣如儀既罷賜百官廊餐時帝御廣德殿西樓以觀命中黃門閱視酒

饌無不腆

以上並續通典禮典
續通志嘉禮同

右朝儀

晉高祖天福七年二月壬子天和節御武德殿宰臣率文武百官上壽

漢隱帝乾祐三年三月丙子嘉慶節御廣政殿文武百寮上壽酒

周太祖廣順元年七月戊子永壽節御廣政殿百寮進酒上壽世宗顯德間歲一舉行以上並續通典禮典

右聖節朝賀

晉高祖天福二年十一月中書門下奏車駕巡幸所在州縣官人見在駕所祇承者賜會並同京官

從之續通典禮典

右巡幸

梁太祖開平元年追尊祖考爲皇帝妣爲皇后皇高祖黯諡曰宣元妣范氏諡曰宣僖曾祖茂琳諡

曰光獻妣楊氏諡曰光孝祖信諡曰昭武妣劉氏諡曰昭懿考誠諡曰文穆妣王氏諡曰文惠五代史梁

太祖本紀續通典禮典同

後唐莊宗同光元年追尊祖考爲皇帝妣爲皇后曾祖執宜妣崔氏皆諡曰昭烈祖國昌妣秦氏皆

諡曰文景考諡曰武五代史唐莊宗本紀續通典禮典同

晉高祖天福二年追尊祖考爲皇帝妣爲皇后高祖璟諡曰孝安妣秦氏諡曰孝安元后曾祖彬諡

曰孝簡妣安氏諡曰孝簡恭后祖昱諡曰孝平妣來氏諡曰孝平獻后考紹雍諡曰孝元妣何氏諡

曰孝元懿后

五代史晉高祖本紀續通典禮典同
案通典作元年誤應從史作二年

漢高祖卽位稱天福十二年追尊祖考爲皇帝妣爲皇后高祖滿諡曰明元妣李氏諡曰明貞曾祖
昂諡曰恭僖妣楊氏諡曰恭惠祖僕諡曰昭憲妣李氏諡曰昭穆考典諡曰章聖妣安氏諡曰章懿

五代史漢高祖本紀

續通典禮典同

周太祖廣順元年追尊祖考爲皇帝妣爲皇后高祖璟諡曰睿和妣張氏諡曰睿恭曾祖諡曰明

憲妣申氏諡曰明孝祖蘊諡曰翼順妣韓氏諡曰翼敬考簡諡曰章肅妣王氏諡曰章德

五代史周
太祖本紀

續通典禮典同

右追尊祖考妣

後唐莊宗卽位冊尊母曹氏爲皇太后而以嫡母劉氏爲皇太妃太妃往謝太后太后有慚色帝旣
滅梁使人迎太后歸洛陽居長壽宮而太妃獨留晉陽太妃與太后甚相愛其送太后於洛也涕泣

而別

五代史唐家人傳
續通典禮典同

右崇所生母

梁太祖開平元年敕朝廷之儀封冊爲重用報勳烈以隆恩榮舊章久缺自我復行今後每冊封大
臣宜令有司備臨軒之禮

後唐莊宗同光二年太常禮院奏秦王李茂正備禮冊命請備革輅一乘載冊犢車一乘并本品鹵

簿鼓吹如儀從之三年太常禮院奏吳越國王錢鏐將行冊命按禮文合用竹簡敕有司備製玉冊俾稱元勳潞王清泰元年太常禮院奏冊拜王公如在京城所司備函簿車輅法物皇帝臨軒行冊禮如在外鎮正衙命使押冊赴本道行禮今奉制命幽州趙德鈞封北平王青州房知溫封東平王皆備禮冊命其合用車輅法物在兵部太常太僕寺請載往本州行禮後送納本司從之並續通志嘉禮

後唐明宗天成二年以楚王馬殷爲守太師尚書令封楚國王中書奏馬殷爲楚國王禮文不載國王之制請約三公之儀用竹冊從之續通典禮典

右冊命諸王侯

後唐明宗長興元年三月帝臨軒命使冊淑妃曹氏爲皇后禮院言百官上疏於皇后曰皇后殿下覆奏若祇呼殿下恐與皇太子無別凡上中宮表章呼皇

右天子冊后

後唐莊宗同光二年六月以衛國夫人韓氏爲淑妃燕國夫人伊氏爲德妃令所擇日冊命八月庚午正衙命使以宰臣豆盧革韋說充冊使續通志嘉禮

右天子冊妃嬪

後唐莊宗同光二年太常禮院奏皇子興聖宮使繼宥雖未封建官是檢校合准一品婚姻禮婦人從夫之爵亦准一品命婦禮親迎日太常函簿鼓吹前導乘輅車其妃花釵九枝博鬢褵翟衣九等

其日平明皇帝差官告親廟一室宗正卿攝昏主行禮其夕親迎至文氏之門以結綵車御輪三周從之

晉高祖天福四年太常禮院定長安公主出降儀太僕寺供厭翟二馬車轂中書省備團方編扇各十六行障座傘一大扇一團大扇二從之又奏婚用誕馬在禮無文周禮諸侯以璋請駙馬都尉加以璋郡王之婿加玄纁以代馬書函之禮出自近代請廢之詔曰納采之時主人再拜使者不答雖開元禮具載其儀今宜答拜仍令鄭王重貴主其婚禮中外不賀餘依所奏

並續通志嘉禮

右皇子公主婚嫁

後唐莊宗同光元年四月制曰諸道管內有高年踰百歲者便與給復永俾除名自八十至九十者與一子免役州縣不得差徭

晉高祖天福二年四月詔天下百姓有年八十以上者與免一丁差徭仍令逐處簡署上佐官

並續通典

右養老 以上嘉禮

樂雅樂樂議樂舞

開平二年春梁祖將議郊禋有司撰進樂名舞名

樂曰慶和之樂

舞曰崇德之舞

皇帝行奏慶順

奠玉帛登歌奏慶平

迎俎奏慶肅

酌獻奏慶熙

飲福酒奏慶隆

送文舞迎武舞奏慶融

亞獻奏慶和

終獻奏慶休

樂章各一首

舊五代史樂志

五代梁雅樂

謹按梁雅樂紹承唐制改十二和如九慶今之所傳僅存八曲其軼者祀地祇享宗廟皇后皇太子出入諸篇蓋惟郊祀之樂尙可考見如奠玉帛等曲遂藉以傳焉其後張文矩又更其別名曰同者六曰熙者一

慶和

謹按慶和以祀天神與唐豫和相類太祖開平二年將郊禋有司撰進樂曰慶和之樂舞

曰崇德之舞是慶和爲降神曲明甚薛史乃稱亞獻奏慶和疑有訛誤後改曰承同

慶順 謹按慶順以爲皇帝行節與唐太和相類後改曰大同

慶平 謹按慶平以奠玉幣與唐肅和相類後改曰順同

慶肅 謹按慶肅以迎俎與唐雍和相類

慶熙 謹按慶熙以酌獻與唐壽和相類後改曰壽同

慶隆 謹按慶隆以飲福與唐制酌獻飲福同曲者微異後改曰福同

慶融 謹按慶融以退文舞迎武舞與唐舒和相類後改曰混同

慶休 謹按慶休以亞終獻與唐亞終獻出入二舞同曲者異制後改曰咸熙

後唐雅樂

謹按後唐初用十二和舊樂至明宗時始有長興樂之名隸於太常然皆教坊雜曲僅可用以

饗燕且其篇名亦缺軼失傳其正聲存者惟廟中各室酌獻五曲而已曰昭德懿祖曰文明獻

曰應天太祖曰承年昭宗曰雍熙莊宗以十二和求之乃壽和之一類耳

晉雅樂

謹按晉雅樂改唐十二和爲十二同而其目缺畧不詳高祖天福四年十二月庚戌禮官奏言

正至上壽皇帝舉酒奏元同再飲三飲並奏文同三飲畢羣臣再拜奏大同是月壬戌又言宮

懸歌舞未全且請雜用九部樂歌教坊法曲從之今正聲可考見者惟元同等三曲姑附錄於此

漢雅樂十二成曲

謹按漢有雅樂十二成曲與鄭志所載唐世用樂之法一一脗合云

禋成 順成 裕成 肅成 政成 弼成 德成 展成 裔成 慶成 駢成 壽成

以上並續通志

樂雅

周廣順元年太祖初卽大位惟新庶政時太常卿邊蔚上疏請改舞名其略云前朝改祖孝孫所定十二和之名文舞曰治安之舞武舞曰振德之舞今請改治安爲政和之舞振德爲善勝之舞前朝改貞觀中二舞名文舞曰觀象之舞武舞曰講功之舞今請改觀象爲崇德之舞講功爲象成之舞又議改十二成今改爲順十二順樂曲名祭天神奏禋成請改爲昭順之樂祭地祇奏順成請改爲寧順之樂祭宗廟奏裕成請改爲肅順之樂祭天地宗廟登歌奏肅成今請改爲感順之樂皇帝臨軒奏政成請改爲治順之樂王公出入奏弼成請改爲忠順之樂皇帝食舉奏德成請改爲康順之樂皇帝受朝皇后入宮奏展成請改爲雍順之樂皇太子軒懸出入奏允成請改爲溫順之樂元日冬至皇帝禮會登歌奏慶成請改爲禮順之樂郊廟俎入奏駢成請改爲禋順之樂皇帝祭享酌獻讀祝及飲福受胙奏壽成請改爲福順之樂梁武帝改九夏爲十二雅以協陽律陰呂十二管旋宮

之義祖孝孫改爲十二和開元中乃益三和前朝去二和改一雅今去雅只用十二順之曲祭孔宣父齊太公廟降神奏師雅請同用禮順之樂三公升殿下階履行同用弼成今請同用忠順之樂享藉田同用靈順之樂曲詞文多不載五代會要邊蔚請添召樂師令在寺習樂勅太常寺見管兩京坊貼部樂官兼充餘二十二人宜令本寺照名充填仍令三司定支春冬衣糧月報聞奏其舊管四十人亦量添請舊五代史樂志

周雅樂十二順曲

昭順 謹按昭順以祀天神亦唐豫和之類

靈順 謹按靈順以祀地祇亦唐順和之類

肅順 謹按肅順以享宗廟亦唐永和之類但間用以徹俎與舊制不同乃當時假借行之非成

法也

感順 謹按感順登歌以奠玉幣亦唐肅和之類然或於酌獻時奏之則唐世所未嘗行爾日禮

官不能釐正至宋尙踵其誤云

治順 謹按治順皇帝以臨軒亦唐太和之類

忠順 謹按忠順王公以出入以退文舞迎武舞亦唐舒和之類

康順 謹按康順皇帝食舉亦唐休和之類

雍順 謹按雍順皇帝以受朝皇后以出入在十二之數當唐正和一曲唐時正和但皇后出入

懸歌舞未全且請雜用九部樂歌教坊法曲從之今正聲可考見者惟元同等三曲姑附錄於此

漢雅樂十二成曲

謹按漢有雅樂十二成曲與鄭志所載唐世用樂之法一一脗合云

禮成 順成 裕成 肅成 政成 弼成 德成 晟成 裔成 慶成 駢成 壽成

以上並續通志

雅樂

周廣順元年太祖初卽大位惟新庶政時太常卿邊蔚上疏請改舞名其略云前朝改祖孝孫所定十二和之名文舞曰治安之舞武舞曰振德之舞今請改治安爲政和之舞振德爲善勝之舞前朝改貞觀中二舞名文舞曰觀象之舞武舞曰講功之舞今請改觀象爲崇德之舞講功爲象成之舞又議改十二成今改爲順十二順樂曲名祭天神奏禮成請改爲昭順之樂祭地祇奏順成請改爲靈順之樂祭宗廟奏裕成請改爲肅順之樂祭天地宗廟登歌奏肅成今請改爲感順之樂皇帝臨軒奏政成請改爲治順之樂王公出入奏弼成請改爲忠順之樂皇帝食舉奏德成請改爲康順之樂皇帝受朝皇后入宮奏展成請改爲雍順之樂皇太子軒懸出入奏允成請改爲溫順之樂元日冬至皇帝禮會登歌奏慶成請改爲禮順之樂郊廟俎入奏駢成請改爲禋順之樂皇帝祭享酌獻讀祝及飲福受胙奏壽成請改爲福順之樂梁武帝改九夏爲十二雅以協陽律陰呂十二管旋宮

之義祖孝孫改爲十二和開元中乃益三和前朝去二和改一雅今去雅只用十二順之曲祭孔宣父齊太公廟降神奏師雅請同用禮順之樂三公升殿下階履行同用弼成今請同用忠順之樂享藉田同用寧順之樂曲詞文多不載五代會要邊蔚請添召樂師令在寺習樂勅太常寺見管兩京坊貼節樂官兼充餘二十二人宜令本寺照名充填仍令三司定支春冬衣糧月報聞奏其舊管四十人亦量添請舊五代史樂志

周雅樂十二順曲

昭順 謹按昭順以祀天神亦唐豫和之類

寧順 謹按寧順以祀地祇亦唐順和之類

肅順 謹按肅順以享宗廟亦唐永和之類但閭用以徹俎與舊制不同乃當時假借行之非成

法也

感順 謹按感順登歌以奠玉幣亦唐肅和之類然或於酌獻時奏之則唐世所未嘗行爾日禮

官不能釐正至宋尙踵其誤云

治順 謹按治順皇帝以臨軒亦唐太和之類

忠順 謹按忠順王公以出入以退文舞迎武舞亦唐舒和之類

康順 謹按康順皇帝食舉亦唐休和之類

雍順 謹按雍順皇帝以受朝皇后以出入在十二之數當唐正和一曲唐時正和但皇后出入

所奏而皇帝以受朝之說史志未聞乃周代一變舊法也

溫順 謹按溫順皇太子以出入亦唐承和之類

禮順 謹按禮順以正至禮會在十二之數當唐昭和一曲唐時昭和爲皇帝皇太子舉酒所奏

蓋所謂舉酒者卽禮會時所有事也但唐書未嘗詳言之耳又周祭先聖亦奏禮順義有所取說載宋樂永安條下

禋順 謹按禋順以入俎亦唐雍和之類

福順 謹按福順以酌獻飲福亦唐壽和之類正至公卿獻壽亦奏之考獻壽乃朝會時事宜用

禮會樂或宴樂此與酌獻通奏一曲是鄭樵所議爲不分雅頌之遺響者也

以上並續通志雅樂

右雅樂

梁開平初太祖受禪始建宗廟凡四室每室有登歌酌獻之舞

肅祖宣元皇帝室曰大合之舞

敬祖光憲皇帝室曰象功之舞

憲祖昭武皇帝室曰來儀之舞

烈祖文穆皇帝室曰昭德之舞

登歌樂章各一首

五代會要云太常少卿楊煥撰

太廟迎神舞名開平

皇帝行盥手登歌飲福酒徹豆送神皆奏樂

樂章各一首

唐莊宗光聖神閔孝皇帝廟室酌獻舞武成之舞

登歌樂章一首

五代會要云尙書兵部侍郎崔居儉撰

明宗聖德和武欽孝皇帝廟室酌獻舞雍熙之舞

登歌樂章一首

五代會要云太常卿盧文紀撰

晉高祖聖文章武明德孝皇帝廟室酌獻舞咸和之舞

登歌樂章一首

五代會要云太子賓客判太常寺事趙光輔撰

漢文祖明元皇帝廟室酌獻舞靈長之舞

德祖恭僖皇帝廟室酌獻舞積善之舞

翼祖昭獻皇帝廟室酌獻舞顯仁之舞

顯祖章聖皇帝廟室酌獻舞章慶之舞

登歌樂章各一首

五代會要云太常卿張昭撰

高祖睿文聖武昭肅孝皇帝廟室酌獻舞觀德之舞

登歌樂章一首

周信祖睿和皇帝廟室酌獻舞肅雍之舞

僖祖明憲皇帝廟室酌獻舞章德之舞

義祖翼順皇帝廟室酌獻舞善慶之舞

慶祖章肅皇帝廟室酌獻舞觀成之舞

登歌樂章各一首

太祖聖神恭肅文武孝皇帝廟室酌獻舞明德之舞

世宗睿武孝文皇帝廟室酌獻舞定功之舞

登歌樂章各一首

五代會要云太祖廟室樂章太常卿田敏撰世宗廟室樂章翰林學士判太常寺事竇儼撰以上並舊五代史樂志

五代梁廟樂舞

大合之舞一室象功之舞二室來儀之舞三室昭德之舞四室

後唐廟樂舞

昭德之舞銘宗室文明之舞獻宗室應天之舞太祖室永平之舞昭宗室武成之舞莊宗室雍熙之舞明宗室

漢廟樂舞

靈長之舞一室積德之舞二室顯仁之舞三室章慶之舞四室
按右四舞乃高祖即位之初太常張昭所定後高祖廟則有司所上觀德之舞云

周廟樂舞

肅雍之舞

信祖廟

章德之舞

信祖廟

善慶之舞

義祖廟

觀成之舞

慶祖廟

明德之舞

太祖廟

定功之舞

世宗廟

文武舞

五代晉二舞

昭德之舞 成功之舞

謹按唐以後二舞已廢五代梁太祖開平初造崇德之舞以祀昊天開平之舞以享宗廟後唐仍其制至晉高祖天福五年始詔太常卿崔胤等詳定更名昭德成功及出帝開運中陶穀奏言管二舞即皆坊市大戶州縣居民緣避差徭投名鼓舞乞議停廢從之是當時二舞固無足觀錄之以存五季之掌故云

漢二舞

治安之舞 振德之舞

謹按漢改唐舊二舞治康曰治安凱安曰振德又改九功舞爲觀象之舞七德舞爲講功之舞獨於宴會時用之

周二舞

政和之舞 善勝之舞

謹按周于右二舞外復有崇德之舞象成之舞亦觀象講功遺制也

以上並續通志樂舞

右樂舞

晉天福四年十二月禮官奏來歲正旦王公上壽皇帝舉酒請奏元同之樂再舉酒奏文同之樂從之五年始議重興二舞詔曰正冬二節朝會舊議廢于離亂之時興自和平之代將期備物全繫用心須議擇人同爲定制其正冬朝會禮節樂章二舞行列等事宜差太常卿崔棣御史中丞竇貞固刑部侍郎呂琦禮部侍郎張允與太常寺官一一詳定禮從新意道在舊章庶知治世之和漸見移風之善其年秋稅等具述制度上奏云案禮云天子以德爲車以樂爲御大樂與天地同和大禮與天地同節又曰安上治民莫善於禮移風易俗莫善於樂故樂書議舞云夫樂在耳曰聲在目曰容聲應乎耳可以聽知容藏于心難以貌觀故聖人假干戚羽旄以表其容發揚蹈厲以見其意聲容和合大樂備矣又案義鏡問鼓吹十二案合于何所答云周禮鼓人掌六鼓四金漢朝乃有黃門鼓吹崔豹古今注云因張騫使西域得摩訶兜勒一曲李延年增之分爲二十八曲梁置鼓吹清商令二人唐又有柷鼓金鉦大鼓長鳴歌簫笳笛合爲鼓吹十二案大享會則設于懸外此乃是設二舞及鼓吹十二案之由也今議一從令式排列教習文舞卽六十四人分爲八佾每佾八人左手執籥禮云葦籥伊耆氏之樂也周禮有籥師教國子爾雅曰籥如笛三孔而短大者七孔謂之簋歷代已來文舞所用凡用籥六十有四右手執翟周禮所謂羽舞也書云舞于羽于兩階翟山雉也以雉羽

分析連攢而爲之二人執纛前引數于舞人之外舞人冠進賢冠服黃紗中單皂領標白練襜褕白布大口袴革帶烏皮履白皮襪武舞郎六十四人分爲八佾左手執干干楯今之旁牌所以翳身也其色赤中畫獸形故謂之朱干周禮所謂兵舞取武象用楯六十有四右手執戚斧也上飾以玉故謂之玉戚二人執旌前引旌似旗而小絳色畫升龍二人執鼗鼓二人執鐸周禮有四金之奏其三曰金鐸以通鼓形如大鈴仰而振之金鐸二每鐸二人舉之一人奏之周禮四金之奏一曰金鐸以和鼓銅鑄爲之其色黑其形圓若權上大小高三尺六寸有六分圍二尺四寸上有伏虎之狀旁有耳獸形銜環二人執鑊以次之周禮四金之奏二曰金鑊以止鼓如鈴無舌搖柄以鳴之二人掌相在左禮云治亂以相制如小鼓用皮爲表實之以糠撫之以節樂二人掌雅在右禮云訊疾以雅以木爲之狀如漆笛而聳口大二尺圍長五尺六寸以殺皮鞞之旁有二紐髮畫寶醉而出以器築地明行不失節武舞人服弁平巾幘金支緋絲大袖緋絲布補襠甲金飾白練襜褕錦騰蛇起梁帶豹文大口布袴烏皮靴工人二十數于舞人之外武弁朱襪革帶烏皮履白練襪襠白皮襪殿庭仍加鼓吹十二案義鏡云帝設氈案以氈爲牀也今請制大牀十二牀容九人振作歌樂其狀爲熊羆羆豹騰倚之狀以承之象百獸率舞之意分置于建鼓之外各三案每案羽葆鼓一大鼓一金鐸一歌二人簫二人笳二人十二案樂百工有八人舞郎一百三十有二人取年十五已上弱冠已下容止端正者其歌曲名號樂章詞句中書條奏差官修撰從之

歐陽史崔悅傳高祖詔太常復文武二舞詳定正冬朝會禮及樂章自唐末之

亂禮樂制度亡失已久。稅與御史中丞賈貞固、刑部侍郎呂琦、禮部侍郎張允等草定之。其年冬至，高祖會朝崇元殿，庭設宮應二舞。在北登歌，在上文舞。歌八佾六十，有四人冠進賢黃紗袍，白中單，白練襪，襪白布大口袴，革帶履。左執籥，右秉翟，執籥引者二人，武舞，即八佾六十，有四人服平巾幘，緋絲布大口襦，襪甲金飾，白練襪，襪錦襪，起梁帶，豹文大口袴，鳥獸左執干，右執戚，執旌引者二人。加鼓吹十二案，負以能豹，以象百獸。率舞案設羽葆，鼓一大鼓，一金鑼，一歌，鑼各二人。王公上壽，天子舉爵奏元同二舉，登歌奏文同舉，食文舞。昭德武舞成功之曲，禮畢，高祖大悅，賜視金帛。羣臣左右視者皆贊歡之。然禮樂廢久而制作簡繆，又繼以絕茲部，竟裳法曲，參亂雅音，其樂工舞，即多教坊伶人，百工商賈州縣遊役之人，又無老師，良工教習，明年正旦，復奏于庭，而登歌發聲悲離，煩思如薤露，虞殯之音，舞者行列進退皆不應節，聞者皆悲憤。開運二年，太常少卿陶穀奏廢二舞。

漢高祖受命之年，秋九月，權太常卿張昭上疏奏改一代樂名。其略曰：昔周公相成王，制禮作樂，殿庭徧奏六代舞，所謂雲門、大咸、大韶、大夏、大濩、大武也。周室既衰，王綱不振，諸樂多廢。惟大韶、大武二曲存焉。秦漢已來，名為二舞。文舞，韶也；武舞，武也。漢時改為文始、五行之舞。歷代因而不改。貞觀作樂之時，祖孝孫改隋文舞為治康之舞，武舞為凱安之舞。貞觀中有秦王破陣樂，功成慶善樂，二舞樂府又用為二舞。是舞有四焉：前朝行用年深不可遽廢，俟國家偃伯靈臺，即別召工師更其節奏。今改其名，具書如左。祖孝孫所定二舞名：文舞曰治康之舞，請改治安之舞；武舞曰凱安之舞，請改為振德之舞。貞觀中二舞名：文舞功成慶善樂，前朝名九功舞，請改為觀象之舞；秦王破陣樂，前朝名為七德舞，請改為講功之舞。其治安、振德二舞，請依舊郊廟行用以文舞降神，武舞送神。其觀象、講功二舞，請依舊宴會行用。又請改十二和樂云：昔周朝奏六代之樂，即今二舞之類是也。其賓

祭常用，別有九夏之樂，即肆夏、皇夏等是也。梁武帝善音樂，改九夏為十二雅。前朝祖孝孫改雅為

和示不相沿也臣今改和爲成取韶樂九成之義也十二成樂曲名祭天神奏豫和之樂請改爲禋成祭地祇奏順和請改爲順成祭宗廟奏永和請改爲裕成祭天地宗廟登歌奏肅和請改爲肅成皇帝臨軒奏太和請改爲政成王公出入奏舒和請改爲弼成皇帝食舉及飲宴奏休和請改爲德成皇帝受朝皇后入宮奏正和請改爲辰成皇太子軒懸出入奏承和請改爲允成元日冬至皇帝禮會登歌奏昭和請改爲慶成郊廟俎入奏雍和請改爲駉成皇帝祭享酌獻讀祝文及飲福受胙奏壽和請改爲壽成祖孝孫元定十二和曲開元朝又奏三和遂有十五和之名凡制作禮法動依典故梁置十二雅蓋取十二天之成數契八音十二律之變輒益三和有乖稽古又緣祠祭所用不可盡去臣取其一焉祭孔宣父齊太公廟降神奏宣和請爲師雅之樂三公升殿會訖下階履行奏緘和請廢同用弼成享先農耕藉奏豐和請廢同用順成已上四舞十二成雅樂等曲今具錄合用處所及樂章首數一一條例在下其歌詞文不錄

周世宗顯德元年卽位有司上太祖廟室酌獻奏明德之舞五年六月命中書舍人竇儼參詳太常雅樂十一月翰林學士竇儼上疏論禮樂刑政之源其一曰請依唐會要所分門類上自五帝迄于聖朝凡所施爲悉命編次凡關禮樂無有關漏名之曰大周通禮俾禮院掌之其三曰伏請命博通之士上自五帝迄于聖朝凡樂章沿革總次編錄繫于歷代樂錄之後永爲定式名之曰大周正樂俾樂寺掌之依文教習務在齋肅詔曰竇儼所上封章備陳政要舉當今之急務疾近世之因循器

識可嘉辭理甚當故能立專無愧莅官所請編集大周通禮大周正樂宜依仍令于內外職官前資
前名中選擇文學之士同其編集具名以聞委儼總領其事所須紙筆下有司供給六年春正月樞
密使王朴奏詔詳定雅樂十二律旋相爲宮之法并造律準上之其奏疏略曰夫樂作于人心成聲
于物聲氣旣和反感于人心者也所假之物大小有數九者成數也是以黃帝吹九寸之管得黃鐘
之聲爲樂之端也半之清聲也倍之緩聲也三分其一以損益之相生之聲也十二變而復黃鐘之
總數也乃命之曰十二律旋迭爲均均有七調合八十四調播之于八音著之于歌頌宗周而上率
由斯道自秦而下旋宮聲廢洎東漢雖有太子丞鮑鄴興之人亡而政息無嗣續之者漢至隋垂十
代凡數百年所存者黃鐘之宮一調而已十二律中惟用七聲其餘五律謂之啞鐘蓋不用故也唐
太宗復古道乃用祖孝孫張支收攷正雅樂而旋宮八十四調復見于時在懸之器方無啞者安史
之亂京都爲墟器之與工十不存一所用歌奏漸多紕繆逮乎黃巢之餘工器都盡購募不獲文記
亦亡集官詳酌終不知其制度時有太常博士商盈孫案周官考工記之文鑄鐃鐘十二編鐘二百
四十處士蕭承訓校定石磬今之在懸者是也雖有樂器之狀殊無相應之和逮乎朱梁後唐歷晉
與漢皆享國不遠未暇及于禮樂以至于十二鐃鐘不問聲律宮商但循環而擊編鐘編磬徒懸而
已絲竹匏土僅有七聲作黃鐘之宮一調亦不和備其餘八十三調于是乎泯絕樂之缺壞無甚于
今陛下天縱文武奄宅中區思復三代之風臨視樂懸親自攷聽知其亡失深動上心乃命中書舍

人賈儼參詳太常樂事不踰月調品八音粗加和會以臣嘗學律厯宣示古今樂錄令臣討論臣雖不敏敢不奉詔遂以周法以秬黍校定尺度長九寸虛徑三分爲黃鍾之管與見在黃鍾之聲相應以上下相生之法推之得十二律管以爲眾管互吹用聲不便乃作律準十二絃宣聲長九尺張絃各如黃鍾之聲以第八絃六尺設柱爲林鍾第三絃八尺設柱爲太簇第十絃五尺三寸四分設柱爲南呂第五絃七尺一寸三分設柱爲姑洗第十二絃四尺七寸五分設柱爲應鍾第七絃六尺三寸三分設柱爲蕤賓第二絃八尺四寸四分設柱爲大呂第九絃五尺六寸三分設柱爲夷則第四絃七尺五寸一分設柱爲夾鍾第十一絃五尺一分設柱爲無射第六絃六尺六寸八分設柱爲中呂第十三絃四尺五寸設柱爲黃鍾之清聲十二律中旋用七聲爲均爲均之主者宮也徵商羽角變宮變徵次焉發其均主之聲歸乎本音之律七聲迭應而不亂乃成其調均有七調聲有十二均合八十四調歌奏之曲由之出焉伏以旋宮之聲久絕一日而補出臣獨見恐未詳悉望集百官及內外知音者校其得失然後依調制曲八十四調曲有數百見存者九曲而已皆謂之黃鍾之宮今詳其音數內三曲卽是黃鍾宮聲其餘六曲錯雜諸調蓋傳習之誤也唐初雖有旋宮之樂至于古曲多與禮文相違既不敢用唐爲則臣又慙學獨力未能備究古今亦望集多聞知禮文者上本古曲下順常道定其義理于何月行何禮合用何調何曲聲數長短幾變幾成議定而制曲方可久長行用所補雅樂旋宮八十四調并所定尺所吹黃鍾管所作律準謹同上進世宗善之詔尙書省集

百官詳議兵部尙書張昭等議曰昔帝鴻氏之制樂也將以範圍天地協和人神候八節之風聲測四時之正氣器之清濁不可以筆授聲之善否不可以口傳故鳧氏鑄金伶倫截竹爲律呂相生之算宮商正和之音乃播之于管絃宣之于鐘石然後覆載之情訢合陰陽之氣和同八風從律而不奸五色成文而不亂空桑孤竹之韻足以禮神雲門大夏之容無虧觀德然月律有旋宮之法備于太師之職經秦滅學雅道陵夷漢初制氏所調惟存鼓舞旋宮十二均更用之法以莫得聞漢元帝時京房善易別音探求古義以周官均法每月更用五音乃立準調旋相爲宮成六十調又以日法析爲三百六十傳于樂府而編懸復舊律呂無差遭漢中微雅音淪缺京房準法屢有言者事終不成錢襄空記其名沈重但條其說六十律法寂寥不傳梁武帝素精音律自造四通十二笛以鼓八音又引古五正二變之音旋相爲宮得八十四調與律準所調音同數異侯景之亂其音又絕隋朝初定雅樂羣黨沮議慙載不成而沛公鄭譯因龜茲琵琶七音以應月律五正二變七調克諧旋相爲宮復爲八十四調工人萬寶常又減其絲數稍全古淡隋高祖不重雅樂令儒官集議博士何妥駁奏其鄭萬所奏八十四調竝廢隋氏郊廟所奏惟黃鍾一均與五郊迎氣雜用蕤賓但七調而已其餘五鍾懸而不作三朝宴樂用纓樂九部迄于革命未能改更唐太宗受命舊王祖孝孫張文收整比鄭譯萬寶常所均七音八十四調方得絲管竝施鐘石俱奏七始之音復振四廟之韻皆調自安史亂離咸秦盪覆崇牙樹羽之器掃地無餘夏擊搏拊之工窮年不嗣郊廟所奏何異南箕波蕩

不遷知音始絕臣等竊以音之所起出自人心變曠不能常泰人亡則音息世亂則樂崩若不深知禮樂之情安能明制作之本陛下心苞萬化學富三雍觀兵耀武之功已光鴻業尊祖禮神之致尤軫皇情乃曠奉常痛淪樂職親閱四懸之器思復九奏之音爰命廷臣重調鍾律樞密使王朴探京房之準法練梁武之通音攷鄭譯實常之七均校孝孫文收之九變積累黍以審其度聽聲詩以測其情依權衡嘉量之前文得備數和聲之大旨施于鐘虞足洽簫韶臣等今月十九日于太常寺集命大樂令賈峻奏王朴新法黃鍾調七均音律和諧不相凌越其餘十一管諸調望依新法教習以備禮寺視用其五郊天地宗廟社稷三朝大禮合用十二管諸調竝載唐史開元禮近代常行廣順中太常卿邊蔚奉勅定前件祠祭朝會舞名樂曲歌詞寺司合有簿籍伏恐所定與新法曲調聲韻不協請下太常寺檢詳校試如或乖舛請本寺依新法聲調別撰樂章舞曲令歌者誦習永爲一代之法以光六樂之書世宗覽奏善之乃下詔曰禮樂之重國家所先近朝已來雅音廢墜雖時運之多故亦官守之因循遂使擊拊之音空留榘槩旋相之法莫究指歸樞密使王朴博識古今懸通律呂討尋舊典撰集新聲定六代之正音成一朝之盛事其王朴所奏旋宮之法宜依張昭等議狀行仍令有司依調制曲其間或有疑滯更委王朴裁酌施行自是雅樂之作稍克諧矣

以上並備五代史樂志

二十四史九通政典類要合編卷一百七十一

五代三

選舉

舉士 科舉制 賢良方正 童科
雜議 舉官 考績 銓選

梁太祖開平元年敕近年舉人當秋薦之時不親試者號爲拔解今後宜止絕

舊五代史
選舉志

又敕禮部貢院每年所放明經及第不得過二十人

乾化元年以尙書左僕射楊涉知貢舉非常例也開元時以禮部侍郎專知貢舉其後或以他官領多用中書舍人及諸司四品清資官唯會昌中命太常卿王起知貢舉時亦檢校僕射五代時或以兵部尙書或以戶部侍郎刑部侍郎爲之不專主於禮侍矣

後唐莊宗同光三年敕今年新及第進士符蒙正等令翰林院覆試升王徽桑維翰居魁亞降符蒙正第四今後禮部所試委中書門下子細詳覆奏聞

三年工部侍郎任贊奏請諸色舉人不是家在遠方水陸隔越者逐處選資從官僚中藝學精博一人各於本貫一例分明比試如非通贖不許妄給文解

明宗長興三年敕今後落第舉人所司已納家狀者次年便赴貢院就試並免再取文解

長興四年禮部貢院奏新懸條件如後

一九經五經經明呈帖由之時試官書通不後有不及格者唱落後請置筆硯將所納帖由分明

卻令自閱或者試官錯書通不當與改正如懷疑者便許請本經當面檢對如實是錯卽於帖由上書名而退 一五科常年駁榜出多稱屈塞今年並明書所對經書墨義云第幾道不第幾道粗第幾道通任將本經書疏照證如考試官去留不當許將狀陳訴當再加考較如合黜落妄有披述當行嚴斷 一今年舉人有抱屈落第者許將狀披訴於貢院當與重試如貢院不理卽詣御史臺論訴請自試舉人日令御史臺差人受舉人訴屈文狀并引本身勘問所論事件或知貢舉官及考試官已下敢受貨賂升擢親朋屈抑藝能陰從請託及不依格去留一事有違請行朝典 一懷挾書策舊例禁止請自今後入省門搜得文書不計多少准例扶出殿將來兩舉 一遙口受人迴換試處及抄義題帖書時諸般相救准例扶出請殿將來三舉 一藝業未精准格落下恥見同人妄扇屈聲擬爲將來基址及他人帖對過場數多者便生誣玷或羅織謚罵者並當收禁牒送御史臺請賜敕鞫如知貢舉官及考試官事涉私徇情屈塞藝士請行朝典若虛妄者請嚴行科舉牒送本道重處色役仍永不得入舉場同保人亦請連坐各殿三舉奉敕宜依又准奏會要貢人至元日列在方物之前以備充庭之禮近來直至臨鎖院前赴應天門外朝見今後請令舉人復赴正仗如舊法或以人數不少請祗取諸科解頭一人就列其餘續到者俟齊日別令朝見奉敕依

石林葉氏曰唐末禮部知貢舉有得程文優者卽以己登第時名次處之不以甲乙爲高下也

謂之傳衣鉢和凝登第名在十三後得范魯公質遂處以十三其後范登相位官至太子太傅封國於魯與凝皆同世以爲異也

後周太祖廣順三年敕禮部貢院於引試之前精加考校逐場去留無藝者雖應舉年深不得饒借場數有藝者雖遭黜落並許陳訴祇不得街市省門故爲喧競及投無名文字訕毀主司如有故違必行嚴斷配流邊遠同保人永不得赴舉主司不得受薦託書題密具姓名聞奏其舉人不得就試又令今後舉人須取本鄉貫文解若鄉貫阻隔祇許兩京給解

南唐設科舉既而罷之

馬廷鸞曰按五代通錄自梁開平至周顯德未嘗無科舉而偏方小國兵亂之際往往廢墜如江南號爲文雅最盛然江文蔚韓熙載皆後唐時中進士第宋齊邱馮延巳仕於南唐皆白衣起家爲祕書郎然則南唐前此未嘗設科舉科舉昉於此時耳顧以江文蔚一言罷之如以文蔚之言前朝進士公私相半爲譏則文蔚固亦前朝進士也然明年以徐鉉建言復置科舉暨我朝開寶中唐之爲國不一二年將亡而猶命張昉典貢舉放進士可悲也已

案通考原文作先公曰蓋述其

父馬廷鸞之言今攷作馬廷鸞曰餘同

世宗顯德二年敕國家設貢舉之司求俊茂之士務詢文行以中科名比闕近年以來多有濫進或以年勞而得第或因媒勢以出身今歲所貢舉人試令看詳果見紕繆須至去留其李覃何曠楊徽

之通隣幾等四人宜放及第其嚴說武允成王汾閻邱舜卿任惟吉周度張愼微王翥馬文劉選程浩然李進等一十二人藝學未精並宜黜落且令苦學以俟再來禮部侍郎劉溫叟失於選士頗屬因循據其過尤合行譴謫尙示寬恕特與矜容劉溫叟放罪將來貢舉公事仍令所司具條理奏聞其年五月尙書禮部侍郎知貢舉竇儀奏其進士請今後省卷限納五卷以上於中雖有詩賦論各一卷餘外雜文歌篇並許同納紙不得有神道碑誌文之類其帖經對義並須實考通三已上爲合格將來卻覆試候考試終場其不及人以文藝優劣定爲五等取文字乖舛詞理紕繆最甚者爲第五等殿五舉其次者爲第四等殿三舉以次稍優者爲第三等第二等第一等並許次年赴舉其所殿舉數並於所試卷子上朱書封送中書門下請行指揮及罪發解試官監官等其諸科舉人若合解不解不合解而解者監官試官爲首罪勒停見任舉送長官聞奏取裁監官試官如受賂及今後進士如有倩人述作文字應舉者許人告言送本處色役永不得仕進同保人知者殿四舉不知者殿兩舉受倩者如見在官停任選人殿三選舉人殿五舉諸色人量事科罪從之

又奏諸科舉人所試墨義第一場十否者殿五舉第二場第三場十否者殿三舉其三場內凡有九否殿一舉

按貢舉而以墨義之通否爲升黜淺陋殊甚有同兒戲然否之多者殿舉亦如之猶略有古人簡不率者示罰之遺意云

竇儀又奏乞依唐穆宗時考試及第進士先具姓名雜文申送中書請奏覆訖下當司與諸科一齊放榜五年右諫議大夫知貢舉劉濤於東京試士放榜後率新及第進士劉坦已下一十五人來赴行在以其所試詩賦進呈上以其詞多紕繆命翰林學士李昉覆試退落郭浚趙保雍等七人濤坐貢官

五代登科記總目

梁太祖開平二年進士十八人諸科五人

三年進士十九人諸科四人

四年進士十五人諸科一人

五年進士二十人諸科十人

乾化二年進士十一人諸科一人

三年進士十五人

四年停舉

五年進士十三人諸科二人

貞明二年進士十二人諸科一人

三年進士十五人諸科二人

四年進士十二人諸科二人

五年進士十三人諸科一人

六年進士十二人諸科三人

七年停舉

龍德二年進士十四人諸科二人

三年停舉

唐莊宗同光二年進士十四人諸科二人

三年進士四人

四年進士八人諸科二人

明宗天成二年進士二十三人諸科九人

三年進士十五人諸科四人

四年進士十三人諸科二人

長興元年進士十五人重試落下八人諸科一人

二年進士四人

三年進士八人諸科八十一人

四年進士二十四人諸科一人

愍帝長興五年進士十七人諸科一人

廢帝清泰二年進士十四人諸科一人

三年進士十三人

晉高祖天福二年進士十九人

三年進士二十人

四年五年停貢舉

六年進士十一人諸科四十五人

七年進士七人

八年進士七人

九年進士十三人諸科五十六人

開運二年進士十五人諸科八十八人

三年進士二十人諸科九十二人

漢高祖天福十二年進士二十五人諸科一百五十五人

隱帝乾祐元年進士二十三人諸科一百七十九人

二年進士十九人諸科八十人

三年進士十七人諸科八十四人

周高祖廣順元年進士十三人諸科八十七人

二年進士十三人諸科六十六人

三年進士十人內落下二人諸科八十三人

世宗顯德元年進士二十人諸科一百二十一人

二年進士十六人諸科一百十六人

三年進士六人諸科二十九人

四年進士十人諸科三十五人

五年進士十五人內落下七人諸科七十二人

六年進士十人諸科五十人

按五代五十二年其間惟梁與晉各停貢舉者二年則降敕以舉子學業未精之故至於朝代更易干戈攘搶之歲貢舉未嘗廢也然每歲所取進士其多者僅及唐盛時之半土字分割人士流離固無怪其然但三禮三傳學究明經諸科唐雖有之然每科所取甚少而五代自晉漢以來明經諸科中選者動以百人計蓋帖書墨義承平之時士鄙其學而不習國家亦賤其科

而不取故惟以攻詩賦中進士舉者爲貴喪亂以來文學廢墜爲士者往往從事乎帖誦之末習而舉筆能文者固罕見之國家亦姑以是爲士子進取之塗故其所取反數倍於盛唐之時也國朝諸科取人亦多於進士蓋亦承五季之弊云

歐陽公什邡陳氏榮鄉亭記曰什邡之吏特不喜儒必推辱中傷之民旣素饒樂鄉里不急祿仕又苦吏之爲故未嘗有儒其業與服以游者甚好學者不過專一經工歌詩優游自養爲鄉丈人而已逮陳君巖夫始爲進士然亦未嘗敢儒衣冠謁縣門出入閭巷必鄉其服已而州下天子詔書索鄉舉秀才巖夫始改服詣門應詔吏方相驚旣州試之送禮部中丙科以歸省其父曰噫吾始惡進士之病已而不知其可以爲榮也迺築亭以旌之還歸來子序張穆之觸麟集曰五季文物蕩盡而魯儒猶往往抱經伏農野守死善道蓋五十年不改也太祖皇帝旣定天下魯之學者始稍稍自奮白袍舉子大裾長紳雜出戎馬介士之閒父老見而指以喜曰此曹出天下太平矣方是時厭亂人思復常故士貴蓋不待其名實加於上下見其物色士類而意已悅安之此儒之效也愚嘗讀此二篇而後知五代之時雖科舉未嘗廢而士厄於離亂之際不得卒業或有所長而不能以自見老死閭閻不爲少矣

以上並通考選舉考

右舉士

後唐莊宗同光二年中書門下請權停貢選一年不允三年以新進士符蒙正等不塞輿望敕翰林

院覆試

宣徽使李紹弘之毀也升王徽爲第一桑維翰第二符蒙正第三成僚第四

並敕今後禮部所試委中書門下子細詳覆奏聞又

童子科委本州府依諸色舉人例考試結解送省任稱鄉貢童子長吏不得表薦若無本處解送本

司不在考試之限

長興元年敕每年所放童子不得過十人

四年正月五科舉人許維岳等一百人進狀言伏見新定格

文三禮三傳每科祇放兩人方今三傳一科五十餘人三禮三十餘人三史學究一十人若每年祇

放兩人及一人逐年又添初舉縱謀修進皆恐滯留伏見長慶咸通年放舉人元無定式又同光元

年春榜亦一十三人請依此例以勸進修奉敕依爲永例明宗天成三年趙鳳知貢舉備陳場中利

病七月敕今後應三禮三傳三史開元禮學究等考試本業畢後引試對策時宜令主司於時務中

取要當策題精詳考校但能周通典切卽放及第不及此格者本業雖精亦須黜落應九經五經明

經帖書及格後引試對義主司於大經泛出問義五通於簾下書於試紙令隔簾逐段解說但不失

疏註義理通二通三始得入策策並於時務中宗取對策許直言其事初進士帖經通三者准放五

年禮部貢院奉敕進士帖經本朝舊制近來此道稍墜負藝者雖多能帖經者甚少恐此一節或滯

羣材今年應進士舉所試文策及格帖經或不及通三與放及第來年秋詞賦人所習一大經許令

對義今逐處解到進士當司引試雜文帖經後令別於所習一大經內對義目五道考試通二通三

准帖經例子其入格長興元年二月敕此後貢院應試三傳三禮宜令准進士九經五經明經例逐

場去留不得候終場方定仍具所通否粗一一於榜內告示其學究不在念書可特示墨義三十道

亦准上指揮五科中惟學究文書最少乃令念其經而通其義故五月停引詞拔萃明算道舉百篇

等科復明法科時及第新進士李飛賦內犯韻李穀犯韻一處又詩內錯寫一字中書門下奏恕其

誤其餘多放再解就試師門門生諸稱及落第舉人無故改名者悉予禁止四年禮部貢院奏貢人

至元日列在方物之前以備充庭之禮始於唐長壽三年從左拾遺劉承慶之請近來直至臨鎖院前赴天應門外朝見

今後請令舉人復赴正仗如舊法並從之或以人數不少祇取諸科解頭一人舊例舉人就試日皇

城司差人於院門前聽察舉人挾帶文書放榜日設棘於門又閉院門以防下第不逞者貢舉考試

官侵星便出及第人赴五鳳樓前謝恩赴國學謝先師和凝知貢舉徹棘啟門至晚始出請令舉子

於朝堂謝恩訖即赴國學永為定制自唐末喪亂縉紳之家或以告敕鬻於族姻至有舅叔拜甥姪

者選人偽濫郭崇韜奏革其弊令未合格人及無名駁放者將偽濫人陳論其見任官及諸道選人

身死並須申報本州令錄於告身書身死月日選人亦不得周歲逗留致作京債有懼罪逃移者所

司申奏勿齒時澄汰甚嚴放棄田園塗毀告身者十七人左拾遺李憫儀吏部員外王松上言崇韜

一事關違逆涉踰濫文書一紙有誤數任皆不勘詳自天下亂離將五十載無人不遇兵革無處不

遭焚燒文書保全固應極少至二年以來選人不敢赴集諸道皆是攝官恩澤不行祿秩皆廢且攝

官祇自州府多因賄賂朝廷不知姓名所司不考課績皆無拘束得恣貪殘若不別為條例不惟時

病難息益亂國章請委銓曹仔細簡量但可去其踰濫不失本規酌中以爲定制從之惟諸道備奏

請州縣乃令節度使管三州已上者每年許奏管內官三人三州已下者許奏二人天成二年令選

防禦使每年許奏一人天成二年許各多奏一人其刺史無薦奏之例不得指請制日人倫之責孝道爲先既

人過格十年外不在赴集之限有隱憂者殿五選有負於尊親定不公於州縣初馮道等議常調選

六 約雅堂藏板

人限於格例銓注以至留滯而州縣吏員多以顏情兼攝乃議減選補吏以杜倖門然是時九州既

未混同十道半邊聲教吏員多益州縣無添至長興四年行減選之敕

一選者無可減兩選三選者減一選四選五選者減兩選

六選七選者減三選八選九選者減四選十選十一選者減五選十二選者減六選

諸色勸進人及山陵行事官兼每年黃衣選人數千皆援

減選並合除官宰相將至內門則數百爲羣喧訴詰難驅更不能止後追罷此敕

廢帝清泰二年三銓注擬選人有自超一資至五資亦有二兩人超六資七資八資者門下省言天

成三年已前許起折一資者不過三兩人天成三年後格不許超折而中書以重議改移便成淹滯

今年請據所注押定從之二年詔以內外臣僚迭均勞逸其兩使判官畿赤縣長取郎中員外補闕

拾遺三丞五博少列官僚選擢

續通典
選舉

晉高祖天福三年翰林學士承旨兵部侍郎權知貢舉崔胤奏今年就舉比常歲倍多科目之中兇

豪甚眾每駁榜出時有喧張互相朋扇請令舉人落第後或不甘心令自投狀披陳卻請所試與疏

義對證兼令其日一甲共較儻實負抑屈所司難道憲章如妄有陳論痛加懲斷其明年停舉又明

年罷明經童子弘詞拔萃明算道舉百篇等科

先是廢及第人與主司選勝宴及中書舍人鞞鞋接見舉人兵部禮部引人過堂日暮次酒食會客悉皆

罷之惟明法一科敕令五選集合格注官優與處分出帝開運元年復明經童子二科其考試進士仍

以三條燭爲限有懷藏書冊者不令就試

長興二年改畫試時又有容縱懷藏者乃從知貢舉實貞固所請

高祖初行軍副使等例

從替罷者許就家居一年赴闕後即據實比擬以免候闕委困又令正官滿日長吏預前奏聞不得

朝攝幕替又令參選考驗時所司簡點文書如有粟錯許酌事理非藏姦隱倖者免其駁放然是時選格甚繁每月送闕不過五員七員開運中吏部侍郎王易簡請南曹詳定解樣兼備錄長定格取解條例各下諸州如禮部貢院版樣立州縣門每選人取解時各准條件遵給行從之舊五代史選舉志○續通

典選舉同

漢隱帝時刑部侍郎邊歸儻言每年貢舉人動應五舉六舉多至二十三千事業不精人文何取請敕三京鄴都就道州府長官合發諸色貢舉人文解者精加考校不得濫有舉送其選法多依後唐及晉事例令州縣官幕府官曾受令契丹者追文書毀廢者取唐晉出身文書本選外仍殿兩選降三資注擬凡唐晉諸科及第人於契丹年號內出給冬集者許追毀換給仍據新給年月日理選又從右拾遺高守瓊言敕年未三十者不得任縣令七十者並宜注優散官

周太祖廣順三年禮部侍郎趙上交請增改貢院諸科規條時翰林學士承旨刑部侍郎權知貢舉

徐合符又參酌新舊陳奏條制九經元格帖經一百二十帖對墨義泛義口義共六十道策五道題

墨義六十道其帖書對策依元格五經元格帖書八十帖對墨義五十道今請對墨義十五道明法元格帖律令一十帖對律令墨義二十道策試十條去年罷帖對義六十道今請依元格學究元格念書對墨義各二十道策五道去年罷念書都對墨義五十道今請依去年起請三禮對墨義九十多去年捺四十道今請依元格三傳墨義對一百一十道去年對四十道今請依元格開元禮三十元格各對墨義三百道策五道去年加對五十道請依元格進士試雜文詩賦帖經二十帖對墨義五十道去年代帖經對義別試雜文二首今請依別試雜文其帖書對義依元格童子念書二十四道請深念五十道有敕宜依仍於引試之時精加考校逐場去留無藝者雖應舉年深不得饒借場及三十通者放

數有藝者雖遭黜落並許陳訴祇不得於街市省門故爲喧競及投無名文字訕毀主司違者配流邊遠同保人永不得赴舉又今後舉人須取本貫文解遠者祇許兩京給解世宗顯德二年禮部侍郎劉溫叟放進士十六人敕令看詳黜落十二人五年右諫議大夫劉濤於東京試士後率新進士劉坦已下十五人赴行在以所試詩賦進呈上以其詞多紕繆命翰林學士覆試退落七人濤坐責官翰林學士尙書禮部侍郎竇儀奏比來取解者請張薦託舉送者啓倖徇情致令就試不下三千登科罕踰一百且明經童子二科尤宜敕罷其進士請今後省卷限納五卷以上於中須有詩賦論各一卷餘外雜文歌篇並許同納祇不得有神道碑誌文之類其帖經對義並須實考通三以上爲合格將來卻覆書試其不及第人以文義優劣定爲五等文字乖舛詞理紕繆甚者爲第五等殿五舉次者爲第四等殿三舉以次稍優者爲第三第二第一等並許次年赴舉三禮解試省試第一場禮記第二場周禮第三場儀禮三傳第一場左氏第二場公羊第三場穀梁並終而復始學究周易尙書併爲一科每經對墨義三十道仍問經考試毛詩依舊爲一科對墨義六十道及第後並爲上選集諸科舉人第一場十否者殿五舉第二場三場十否者殿三舉其三場內有九否者並殿一舉其進士及諸科所殿舉數並於試卷朱書封送中書門下考試及第進士先具姓名雜文申送中書奏覆記下當司與諸科一齊放榜四年詔天下諸色人中有賢良方正能直言極諫經學優深可爲師法詳開吏治達於教化者不限前資見任職官黃衣草澤並許應詔其逐處州府依每年貢舉人

式例差官試解尚書吏部

試策論三道共三千字已上取文
理俱優人物爽秀者方得解送

取來年十月集上都其登朝官亦許上

表自舉自晉漢以來設官分治釐革失中廣順初頗加更定前資朝官罷令赴闕

漢隱帝時楊弼以
前資官在外慮有

游說祇令
兩京居止州郡不得奏薦無前官及無出身人親沒未葬者不得輒求自進而百司奏補官吏不擇

事言筆札至有不能舉其條目者顯德二年敕曰諸司寺監收補職員須無訛濫今後勒諸司關送

吏部驗考其中者更具引驗可否連所試書跡並本州府不係色役迴文及正身引送中書後吏部

具名聞奏候敕下勒本司補收

以上並續
通典選舉

右科舉制

後周世宗顯德四年十月詔曰制策懸科前朝盛事莫不訪賢良於側陋求讜正於箴規殿廷之間

帝王親試其或大裨於國政有益於時機則必待以優恩縻之好爵拔奇取異無尚於茲得士者昌

於是乎在爰從近代久廢此科懷才抱器者鬱而不伸隱耀韜光者晦而莫出遂使翹翹之楚多致

於棄捐皎皎之駒莫就於縻繫遺才滯用闕孰甚焉應天下諸色人中有賢良方正能直言極諫經

學優深可爲師法詳閑吏理達於教化者不限前資見任職官黃衣草澤並許應詔其逐處州府依

每年貢舉人式例差官考試解送尚書吏部仍量試策論三道共三千字以上當日內取文理俱優

人物爽秀方得解送取來年十月集上都其登朝官亦許上表自舉

通考選
舉考

右賢良方正

後唐莊宗同光三年禮部貢院奏今後童子委本州府依諸色舉人例考試經解選省任稱鄉貢童子長吏不能表薦若無本處解送本司不在考試之限

天成三年敕近年諸道解童子皆越常規或年齒漸高或神情非俊或道字頗多訛舛或念書不合格文積成乖蔽此後應州府不考藝能濫發文解其逐處判官責罰仍下貢院將解到童子精加考較須是年顏不高念書合格道字分明卽放及第

長興元年敕童子準往例委諸道表薦不得解送每年所放不得過十人仍所念書並須是正經不得以諸子書虛成卷數及第後十一選集初任未得授親民官

周太祖廣順三年戶部侍郎權知貢舉趙上交奏童子元念書二十四道今欲添念書通前五十道念及三十道者放及第從之

以上並通考選舉考

右童科

後唐明宗時禮部貢院新立條件一丸經五經明經呈帖經之時試官書通不後有不及格者唱落後請置筆硯將所納帖由分明卻令自看或是試官錯書通不當與改正如懷疑者許請本經面前檢對如實是錯悞卽更于帖上書名而退一五科常年駁勝出多稱屈塞今並明書所對經書墨義云第幾道不第幾道粗第幾道通任將本經書疏照證如考官錯書不粗請別狀陳訴再加考較如實錯悞妄陳文狀當行嚴斷一舉人有抱屈落第者許將狀披訴貢院當與重試如貢院不理卽詣

御史臺論訴御史臺受狀并引本身勘問所論事件或知貢舉官及考試官已下取受貨賂昇擢親情屈塞藝能應副囑託及不依格去留請行朝典一懷挾書策舊例禁止自後入省門搜得者不計多少扶出殿將來一舉上鋪後搜得者扶出殿兩舉一遙口授人迴授試處及抄義題帖書時諸般相救準例扶出殿三舉一藝業未精準格落下及見駁榜妄屬屈聲擬爲將來基址及誣陷別人帖對數多者並當收禁牒送御史臺請勘如知貢舉官及考試官徇私屈塞請行朝典虛妄者痛行科斷牒行本道重處色役永不得舉同保人連坐各殿三舉

晉高祖天福五年禮部侍郎張允奏曰前代未設諸科始以明經俾昇高第自有九經五經之後及三禮三傳已來孝廉之科遂因循而不廢縉紳之士亦緘默而無言以至相承未能改作每歲明經一科少至五百以上多及一千有餘舉人如是繁多試官豈能精當況此等多不究義惟攻帖書文理旣不甚通名第豈可妄與且當年登科者不少相連起選者甚多州縣之間必無貢闕輦轂之下須有稽留怨嗟自此而興謗讒因茲而起但令廣場大啟諸科並有明經者悉包于九經五經之中無出于三禮三傳之內若無釐革恐未便宜其明經一科伏請停廢又奏國家懸科待士貴務搜揚貴實求才須除訛濫童子每當就試止在念書背經則雖似精詳對卷則不能讀誦及名成貢院身返故鄉但刻日以取官更無心而習業濫蠲徭役虛占官名其童子一科亦請停廢敕明經童子宏

詞拔萃明算道舉百篇等科並停

以上並續
通典選舉

後唐莊宗同光二年自唐末喪亂搢紳之家或以告敕鬻於族姻遂亂昭穆至有舅叔拜甥姪者選人僞濫者衆郭崇韜欲革其弊請令銓司精加考覈時南郊行事官千二百人注官者纔數十人塗毀告身者十之九選人或號泣道路或餓死逆旅

明宗天成二年制選人或因遠地干戈私門事故遂至過格今後如過格十年外不在赴集之限又據長定格選人中有隱憂者殿五選伏以人倫之責孝道爲先既有負於尊親定不公於州縣有傷風化須峻條章今後諸色官員內有隱憂冒榮者勘責不虛終身不齒其入仕告敕並付所司焚毀三年敕北京及河北諸道攝官內有莊宗御署及朕署便與據正官資敘其僞朝授官勘驗不虛亦同告身例處分興元以西曾授僞蜀爵命敕到後一周年爲限各於本罷任處投狀分析申奏點勘出限不敘理

中書奏吏部流外銓諸色選人試判兩節並不優劣等第與官資其業文者任徵引古今不業文者但據事理判斷可否不當罪在有司吏部南曹關今年及第進士內三禮劉瑩等五人所試判語皆同勘狀稱晚逼試期偶拾得判草寫淨實不知判語不合一般者敕貢院擢科考詳所業南曹試判激勸效官劉瑩等既不攻文只合直書其事豈得相傳葦草侮瀆公場及至定期覆試果聞自懼私歸宜令所司落下放罪許再赴舉 其年十月敕訪聞每年及第舉人牒試吏部關試

判題雖有判語全無祇見各書未詳仍或正身不至如斯乖謬須議去除此後關送舉人委南曹
官吏准格考試如是進士并經學及第人曾親筆硯其判語即須緝構文章辨明治道如是委無
文章許直書其事不得祇書未詳如開試時正身不到又無請假文書卻牒貢院申奏停落

按唐以試判入仕五季因之然以此三條觀之其爲文具可知也有如流外銓必胥吏之徒非
以文學進身者則所對不責其引徵古今但據事理判斷誠是也至於及第進士而乃一詞莫
措傳寫定本雷同欺誑至煩國家立法明開曾親筆硯委無文章兩途以處之則烏取其爲進
士乎況正身多不至則所謂試者不過上下相與爲欺耳可無試也

長興二年敕舉選之眾例是艱辛曾因兵火之餘多無敕甲不有詳延之路永爲遺棄之人其失墜
告身者先取本人狀當授官之日何人判銓與何人同官上任與何人交代仍勘歷任處州縣如實
則別取命官三人保明施行

周世宗顯德元年初令翰林學士兩省官舉令錄除官之日署舉者姓名若貪穢敗官連坐

以上並
通考選

考舉

右舉官

晉高祖天福二年敕朝臣中以才特除外任秩滿無遺闕者將來擬官之時在外一任同在朝一任
昇進其就便自求外職及非特任者不在此限出帝時以經費尙多公私重困令諸州帳籍錢穀徵

科一季一奏兩年賦稅及限聽三周年爲滿三年皆得辦事卽與遷陟如或纔到任所課績不前亦卽罷替

漢隱帝乾祐二年令諸州府長吏隨戶勸蒔桑棗

小戶十本至二十本中戶三十四十大戶五十至一百

受代時批於厯子省

司據爲考課又以外州解由虛增農戶稅額無添蓋有折居耕種各立戶名或是避稅逃移併未歸業今後解由內將本處添出戶口與合徵稅賦開坐

周以前皆以三十月爲三考至世宗顯德五年敕自後授官並以三周年爲限閏月不在其內尙書考功奏言當司所書校內外六品以下赴選官員考第今後以一周年校成一考三考滿後未有替人在任更一年與成四考次日俱不在計限逐年須具到任月日自前課績第二考不得疊計其末考須具

得替年月日比類升降諸司諸色流內出身人逐年於六月初一日後投狀所司省司據狀卻牒本

司簡勘九月前較奏須畢有公事出外及在職功過俱須牒報考功不得有妨逐年書較以上並續通典選舉

周世宗顯德五年尙書考功奏奉新敕起今年正月一日後授官並以三周年爲限閏月不在其內

者當司所書校內外六品以下赴選官員考第今後以一周年校成一考如欠日不計限滿三周年

校成三考如考滿後未有替人在任更一周年與成第四考欠日不在計限兼逐年月日自上以來

課績功過第二考須具經考後課績不得重疊計功其末考須是具得替年月日比類升降自今年

正月一日以前授官到任者准格例三十箇月書校三考今年正月一日後來授官到任者准新敕

三周年爲月限每一周年書校一考閏月不在其內所有諸道州府校考申發考帳及當司校奏各依前後格敕施行

通考選舉考○續通志選舉同

右考績

漢乾祐二年八月右拾遺高守瓊上言仕宦年未三十請不除授縣令因下詔曰起今後諸色選人年七十者宜注優散官年少未歷資次者不得注授令錄其年十二月中書門下奏應諸出選門官并歷任內曾升朝及兩使判官今任卻授令錄者竝依見任官選數赴集從之

周廣順元年二月詔曰自前朝廷除官銓司選授當其用闕皆稟舊規近聞所得官人或他事阻留或染疾淹駐始赴任者既過月限後之官者遂失期程以至相沿漸成非次是致新官參謝欲上舊官者秩未終待滿替移動逾時月凋殘一處新舊二官在迎送以爲勞必公私之失緒今後應諸道州府錄事參軍判司縣令主簿等宜令本州府以到任月日旋具申奏及報吏部此後中書及銓司以到任月日用關承爲定制其年十月詔曰選部公事比置三銓所有員闕選人分在三處每至注擬之際資敘難得相當況今年選人不多宜令三銓公事併爲一處委本司長官通判同商量可否施行今當開奏之期宜軫單平之眾自今後合格選人歷任無違礙者竝仰吏部兩曹判成如文解差錯不合式樣罪在發解官吏

並舊五代史選舉志

右銓選

學校 祭先聖崇聖裔○太學○舉
貢就太學調聖○州郡學

後唐長興三年國子博士蔡同文奏伏見每年春秋二仲月上丁釋奠於文宣王以兗公顏子配坐以閔子騫等爲十哲排祭奠其有七十二賢圖形於四壁面前皆無酒脯自今後乞準本朝舊規文宣王四壁諸英賢畫像前面請各設一豆一爵祠饗中書帖太常禮院檢討禮例分析申者今禮院檢郊記錄釋奠文宣王並中祠例祭以少牢其配座十哲覓今行釋奠之禮伏自喪亂以來廢祭四壁英賢今準帖爲國子博士蔡同文所奏文宣王四壁諸英賢各設一豆一爵祠享當司詳郊記錄文宣王從祀諸座各邊二實以栗黃牛脯豆二實以葵菹鹿醢盞盞各一實以黍稷飯酒爵一禮文所設祭器無一豆一爵之儀者奉敕其文宣王廟四壁英賢自此每釋奠宜準郊記錄各陳醢醢等諸物以祭

周廣順二年六月以文宣王四十三代孫前曲阜縣令孔仁玉復爲曲阜縣令仍賜緋魚袋以亞聖

顏淵裔孫顏涉爲曲阜縣主簿仍敕兗州修葺祠宇摹削禁樵採

時車駕親征兗州初平遂幸曲阜
謁孔子祠既奠將致敬左右曰仲

尼人臣也無致敬之禮上曰文宣百
代帝王師得無拜之卽拜奠於祠前

致堂胡氏曰人爲諛諛趨利而不顧義者也孔子大聖途之人猶知之豈以位云乎如以位固異代之陪臣也如以道則配乎天地如以功則賢乎堯舜卒伍一旦爲帝王而以異代陪臣臨天下之大聖豈特趨利導諛又無是非之心矣斯臣也當周太祖時以拜孔子爲不可則當石

高祖時必以拜契丹爲可者是故君子有言天下國家所患莫甚於在位者不知學在位者不知學則其君不得聞大道則淺俗之論易入理義之言難進人主功德高下一係於此然則學

乎學乎豈非君臣之急務哉

以上並通
考學校考

周太祖廣順二年六月親幸曲阜謁孔子廟拜奠致敬既畢其所奠金花銀爐十數事留於祠所以

備享祀遂幸孔林拜孔子墓

續通志
吉禮

右祭先聖崇聖裔

梁開平三年國子監奏修建文宣王廟請率在朝及天下見任官俸錢每任尅留一十五文

後唐天成三年正月中書門下奏伏以祭酒之資歷朝所貴爰從近代不重此官況屬聖朝方勤庶政須弘雅道以振儒風望令宰臣一員兼判國子祭酒敕宜令宰臣崔協兼判其年八月十一日宰臣兼判國子祭酒崔協奏請國子監每年祇置監生二百員候解送至十月三十日滿數爲定又請頒下諸道州府各置州學如有鄉黨備請文行可舉者錄其實事申監司方與解送但一身就業不得影庇門戶兼太學書生亦依此例不得因此便取公牒輒免本戶差役又每年於二百人數內不繫時節有投名者先令學官考試校其學業深淺方議收補姓名敕宜依

五年正月五日國子監奏當監舊例初補監生有束修錢二千及第後光學錢一千竊緣當監諸色舉人及第後多不於監司出給光學文鈔及不納光學錢祇守選限年滿便赴南曹參選南曹近年

磨勘選人並不收整監司光學文鈔爲憑請自今後欲準往例應色舉人及第後並先於監司出給光學文鈔并納光學錢等各有所業等第以備當監逐年公使奉敕宜準往例自今後凡補監生須令情願於監中修學則得給牒收補仍據所業次第逐季考試申奏如收補年深未聞藝業虛沾補牒不赴試期亦委監司具姓名申奏

按五代弊法凡官府公使錢多令居官者自出其費宰相則有光省錢御史則有光臺錢至於監生亦令其出光學錢則貧士何所從出既徵其錢復不蠲其役待士之意亦太薄矣然史所言多有未曾授業輒取解送者往往亂離之際其居學者亦皆苟賤冒濫之士耳

以上並通考學校考

周世宗顯德二年別營國子監置學舍

續通志吉禮

右太學

後唐明宗長興元年明宗尙書比部員外郎知制誥崔稅奏臣伏見開元五年敕每年貢舉人見訖宜引就國子監謁先聖先師學者謂之開講質疑義所司設食其日清晨

按五代會要作其日清晨清資官與通考互異

續通典選舉

右貢舉人就太學謁聖

後唐天成三年宰臣兼判國子祭酒崔協奏請頒下諸道州府各遣官學如有鄉黨備諳文行可舉者錄其事實申監司方與解送但一身就業不得影庇門戶

通考學校考

右州郡學